

仿古字版

曾文正公榮哀錄

世界書局印行

曾文正公榮哀錄

祭文

黃翼升

嗚呼我公。百世之師。文章可聞。性道難窺。文章之類。乃在功名。破百萬賊。復數百城。拯民水火。貽民樂利。廩有餘糧。野有滯穗。或俊而秀。曰膠與庠。善哉在泚。藹芷升堂。公之勳德。語焉難詳。識其大者。衆口瓊瑤。翼升從公。戎事伊始。草屨布衣。枕戈而起。公謂汝能。俾整其旅。淮揚總兵。長江開府。屢擢於朝。不十年耳。翼升何人。當斯重任。倖免貽羞。恃公成命。公在軍中。履巖於危。惟堅惟忍。黃濟我師。公治江左。清靜無爲。一笑一嘷。化神若馳。公治嶽壘。有嚴有實。百吏奮興。頑廉嚙立。帝眷三江。還公於南。引疾不可。坐鎮其墟。民踏公來。望塵而喜。祝公百年。長我孫子。豈期一疾。遽展雲輅。醫不及藥。巫不放靈。寶光燭天。微雨清塵。嗚呼哀哉。公之去來。蓋有所爲。既情艱難。途遺榮貴。所難堪者。官府吏民。執紳上理。敦活斯人。矧在翼升。恩同罔極。酸卮陳詞。銷沾胸臆。嗚呼哀哉。

二

梅啓照

嗚呼。春歸江南。星旒箕宿。音集堂槐。望擢梁木。模範猶

榮哀錄

祭文

存。儀型空曠。其禩難追。自身莫贖。中外心傷。軍民巷哭。棚廬門牆。哀情彌篤。恭維夫子。蕭湘秀毓。衡嶽靈鍾。匡時良弼。當代儒宗。經綸滿腹。兵甲羅胸。德崇忠孝。學擅情通。操持冰雪。氣度雲霞。謙以接物。儉以傳家。履仁蹈義。存誠闕邪。言坊行表。白璧無瑕。詞館翔翔。季呼才子。文柄主持。羣稱得士。躋位膺貳。鵬翻高舉。應詔陳言。龍顏有喜。忽親閔凶。杜門讀禮。髮逆猖獗。見義而起。創立楚軍。旌旗肅穆。天子知公。大事可屬。授鐵專征。焚香枚卜。乃統鷹揚。次第規復。感恩圖報。殺賊亡身。大小百戰。用兵如神。十年飲血。千里無塵。東南重奠。爲國爲民。欽至策勳。黃扉正位。穆穆侯封。世襲罔替。日月雙輝。鉤調孔翠。載進宮銜。推恩子弟。三江鎖鑰。首推適公。一菴再蒞。治理雍容。飾以甘霖。嘘以和風。程躬何約。艾物何豐。偉哉元老。帝倚如山。馳驅南北。宏濟時艱。鞠躬盡瘁。力竭身漂。恨無靈草。可駐仙顏。膏澤所敷。罔不追憶。召伯之棠。株株凝翠。峴山之碑。人人墮淚。方之於今。其情豈異。純臣忠愛。惓惓君王。一封遺表。慮遠謀臧。身歸泉下。心在帝旁。皇誤說命。訓詞煌煌。九重知己。一代元良。飾終令典。逾越尋常。易名晉秩。爲國寵光。有丈夫嗣。各秉義方。名登農部。譽噪膠庠。紹輝滿座。象笏盈牀。明德之

一

優。百世其昌。惟予小子。受知最早。廿稔從遊。避難多會。少
二載。味陵。重親遺貌。方冀長依。匪邀鴻造。胡沾微法。遽
逝於天。所嗟永訣。竟無一言。代陳遺疏。哀更纏綿。楚些
空賦。泣涕漣漣。嗚呼。發用凄凄。花風漠漠。原染杜鵑。聲
悲白鶴。嗟我哲人。芳烈難作。敬奠椒醑。惟虔惟恪。有蔬
載寧。有酒載酌。夫子有知。命其來格。

三

孫依言

嗚呼。昔子瞻之祭歐陽文忠。其詞有曰。一民有父母。國
有蕃籟。斯文有傳。學者有師。君子有所恃而不恐。小人
有所懼而不為。譬如大川喬嶽。不見其運動。而功利之
及於物者。不可以數計。而周知。一予嘗讀而偉之。以為
此固子瞻之知言。而自古大臣。黜陟正直。非如歐陽公
者。誠不足以語斯。而又疑此鉅人之持出。殆將曠百世
而庶幾。不謂有我公之卓絕。及我生而得見。而又獲親
炙以追隨。嗚呼。自古聖賢與夫豪傑間出之士。其所以
有為於世者。固欲符其志之所斷。而其事之能濟與否。
則常視乎所遭之幸不幸。而非人力之能施。方公之以
兵部侍郎。督師鄉里。因糊糶之舉。用彭揚李羅之才。轉
戰十年。而遂以覆狐狸之窟穴。拯東南之孤薄。此其功
名之不世。固歐陽所未及為。而其文章之恢奇浩瀚。學
術之廣博精微。貫古今於懷抱。羅百家而兼該。以視歐
公。又可謂齊驅並騁。殊塗而同歸。於歐公當明道慶歷
之間。雖亦嘗困於夏竦。蓋元遷。還謫而憂疑。而自仁宗

之末。造歷英宗之首基。由臺諫。登侍從。掌帝制。築樞機。
其立朝執政。同嘗歷歲移時。而史亦稱其左右兩宮。坐
鎮四海。蓋白首而不衰。至其同時大臣。如杜富韓范皆
志同道合。左掣而右提。而石介魯蘇轍蘇軾之徒。又
相與切磋。以遺義。揚厲其光輝。是其才未必果盡所用。
而其志可謂不謬所期。嗚呼。以公之大度偉略。深謀遠
規。使其所得之幸。若歐公。當太平之無事。處密勿以論
思。則其所以引吾君於恭儉。挽俗世之浮瀆。收天下之
豪傑。謹安危之勸微。必有以光列聖神武之烈。為萬年
深遠之貽。而又東西奔命。與兵終始。不敢告勞。登至盡
瘁。名為宰相。而不能日與朝廷之謀議。功侔周呂。而不
能盡如蕭曹之指揮。挺危傑以孤立。持聖主之獨知。彼
疏俗之無識。或貌敬而心非。而淺夫之憤類。甚至於負
恩忘義。騰論造謗而不自知。其為憂憂而胎。故世之
論公。以謂其皇皇若弗及。威威若不怡。由功高而志下。
亦道尊而氣卑。而我之窺公。則固知其內視一己。實有
未滿之素志。外觀斯世。尤有無窮之憂危。嗚呼。昔子瞻
之從文忠辭也。有子由以與之借。而我之得出於公門。
我弟方將使指而南馳。當文忠皇帝之初元。公方請復
講書之舊儀。而大臣有不然者。我弟獨密疏力爭。以為
此忠臣之至慮。郵治之綱維。及我弟為小人所中。我方
從公於軍中。獨召語我而累歎。至於今已逾十年。我弟
方有以自得於山嶺水湄。而公之懷掩不已。猶欲引而

置之殿墀，嗚呼！此其道義之相契，亦何待於執几杖以趨階，矧如予之無狀，視子瞻固無能爲役，而飄搖江海，又一時所華遣，豈爲公之推轂，屢再昧其言之，雖舉世皆嫌其愚直，而公獨以爲無瞻顧而依違，嗚呼！越吳瘡痍，戎方謗欺，大東持袖，極西鼓鼙，大任側席，重華宵衣，何一老之不平，又孤生之無依，然則予之所以爲公齋杏，雖痲，亦何以易子瞻之詞曰：「上爲天下勸，而下以哭其私。」

四 錢應燴

謀撤降神，實生申甫，衡山魏巍，羅靈湘楚，篤現我公，兼資文武，提挈綱維，莫此土宇，若士農工，爰及商賈，以引以翼，無不得所，海涵江濶，恩霽德溥，騎箕忽逝，經哉千古，惟公一身，伊呂畢變，三代而下，孰與等夷，矧自通籍，泊黃綸扉，垂四十年，衆望咸歸，我哉大難，身繫安危，奇功偉烈，樹之豐碑，暮綸日月，莫費一詞，小子不敏，請言其私，庚戌之歲，挾策上都，大賢門下，幸獲步趨，詔我經術，折衷漢儒，勗我言行，軌範程朱，自是猶從，無間晨夕，邵袁龍契，嗜書成癖，容我參語，謬附促簪，期我遠到，金門射策，半公舞雩，環詭鑽幽，三載春明，迅馳鈞陳，公歸梓里，烽火連關，義聲所樹，無避金革，我公登臺，樞垣幸職，夙讀公疏，雄詞著聞，軍事成敗，驚心儘朔，百折不回，躬自貶責，張望衡雲，神馳形隔，會幾何時，春秋十易，日惟庚申，吳鶴塵爛，軍書旁午，鄉音中斷，情急南歸，奉親

樂哀錄 祭文

避亂，辛苦賊中，生死參半，涉海瀾江，戰影私館，自分此生，草間遺竄，忽奉公書，招赴戎幕，命司章奏，欣然有託，猗侍高堂，天倫至樂，湘湖京華，依然如昨，先子積學，校書萬卷，公夙神交，而未識面，比來皖江，歡然相見，躬造敝廬，傾談不倦，材官走卒，亦疑亦羨，及我居喪，生芻來奠，溫語拊循，深情縵縵，至今思之，淚下如霰，上元甲子，大功德成，相從東下，卜居江城，迨維曠昔，始慶更生，將挽銀河，洗此甲兵，猶有餘量，殷鑒縱橫，皇帝曰：咨，命汝北征，席不暇暖，幸詔即行，我乃隨侍，水驛山程，亦云負笈，匪曰請纛，由徐達淮，是類是禡，舟師十萬，星夜速駕，巨浸稽天，洪施怒瀾，時維朱夏，雷騰龍下，森風忽起，黃河激射，軸離傾危，萬衆色訕，急視公舟，公猶整暇，共歎艱難，能以誠化，公曰不然，是殆天假，舍舟而陸，移師周口，惟此要區，擇險而守，賊衆如蟻，環堞左右，公夜讀書，聲歷刁斗，萬折聲，惡風退走，琴書却敵，斯直新觀，帝眷南服，資公坐鎮，治軍治民，同一忠盡，我違最辱，二年缺計，歸諗母氏，新霜添髮，惟公錫類，伏公威儀，遠游遊歸，會無梅客，費輔重任，非公莫屬，建節重移，北門鎖鑰，我趨庭闈，欲行又止，公體人情，坐語移晷，租道澹然，味苦彈機，身滯江南，天未延企，手札時來，捧誦竊喜，自公之去，民望若霖，祝公之來，公果重臨，歡聲雷動，萬口一心，大裘庇遠，冬日愛深，謂可承載，有如高岑，何圖一載，陸塵雲鬢，羅鈞芸掖，殊斗光錦，悲用拉篋，長虹爛霄，街

橫突矣。萬芒焚樵。天胡此醉。福不為俄。德出公門。歲星
兩眉。親持几杖。十載勾留。涓埃徒矣。高厚莫酬。數公家
墓。將相輩出。會不數年。蜚英騰實。嗟我驚下。半生棄筆。
願從公久。情道專一。正論微言。窺公憤密。詠諧談笑。樂
公率直。疏荷滿篋。點竄塗乙。一字推辭。墨無旁溢。忍淚
檢尋。音容粲然。公手扶雲。公心捧日。天鑒忠誠。新宮久
待。千秋萬祀。是主是宰。一瓣心香。告升鼎彝。雲馬風車。
神兮斯在。

五

陳艾

嗚呼。功被南服。績紀太史。德洽數省。決人肌髓。走卒婦
孺。感愛沒齒。能言之流。掛漏無似。艾以迂拙。銜恩知己。
自述梗概。敢辭弁辭。共遭時亂。避地祁門。敝衣躡屨。就
食城垣。先達說士。謁公行轅。草茅真率。寥寥數言。公喜
我樸。大笑髯掀。時有專局。表公志魂。俾我尸之。紀述粉
華。月分靡泉。使市難販。上奉老母。下逮兒孫。饑者告飽。
寒者告溫。籌筆偶暇。經史討論。教誨懇至。引入籬藩。譬
從隸版。下就平原。公名善談。忘我庸昏。艾也不才。無干
時志。公謂此。泊然名利。惜其少勉。或為買果。置之膏
腴。不備不醉。置之繁劇。不肯不嫻。果以狂愚。孤行己意。
公鑒其誠。屢易善地。公委任使。艾實非器。我之疏直。宜
老紅顏。屢屢荐膺。館竹使符。自顧未信。勿敢僭竽。公昔
入覲。弁辭撰藪。酒蒙加禮。遂其哺烏。公名知人。忘我之
權。兒子冥懼。未露頭角。公謂笑質。艾之使學。老師碩彦。

俾從商權。金入於範。加以磨琢。頰短及長。負公先靈。公
名無私。私其懷慈。舉室銜恤。敢忘其短。嗚呼哀哉。我一
書生。惟事丹鉛。就章服之。守牧比肩。孰飲食之。有甯有
歸。孰啓迪之。服膺儒先。慈母兄弟。免於顛連。歷荷恩禮。
十有三年。我雖愚魯。敢忘膺拳。報德無日。撰鏡華藏。屢
門一瀆。公鑒其虔。

六

忠義局

天眷聖清。日月重光。星精垂曜。降於南鄉。卹乎炳明。卓
上紫宮。風搏九萬。抑畏鞠躬。儉德服土。權威不統。分絡
之郊。嗣僕之止。西王南金。作貢天子。銘几儼辰。聖人有
事。俾佐亂民。盜兵橫池。驕師縱之。匪怒而嬰。公銜帝命。
為簡之師。退蒐衛陽。酒劍離離。止則鉅防。逝則奔馬。風
震滿空。陶其來下。左腕供都。右拂紅夏。使賊肝雨。懇焉
九野。土氣如劍。或浮或沈。公為歐冶。契台於深。會有天
機。拔植高吟。實然位分。見者傾心。始述洞庭。喋血彭蠡。
欽承大符。斧賦嚴陣。益陽欽之。合肥汰之。賊有心肝。介
弟削之。烏巢積穴。燔之膾之。瑤英靈。麟介在遠。慎不敢
誦。德量所涵。烏嶼畢包。網羅百里。定莫田植。神有洪祀。
藝有穀食。類宮類羽。僊宮較射。國殫甄錄。書林畫式。萬
井皞皞。相忘帝力。大福不終。鞠凶吾人。春相同輟。銜恤
舊恩。學皆徹天。猿皆徹泉。仰瞻箕尾。四顧超焉。中國有
蔡。豈止其身。

七

江南官書局

嗚呼。公之生也。天固將以大任遺公。當其立朝而侃侃。人已知其不苟異不苟同。及專事之起。毅然舉義。雖疑。諄交集。而自矢其孤忠。劍水師以勦賊。沿大江而從東。歷百戰。以至院。屢顛危險。而賊亦喬避其鋒。惟其推心以置腹。故自僚屬將帥。莫不踴躍而樂從。於是知師千之鍾。非公莫屬。此所以盪平吳越。而卒收其功。嗚呼。公雖有兼人之稟。固已疲於戎行之十載。况又盤根錯節。無一日之息。而往來奔命於南北之衝。以江南之艱鉅。當大創之後。維持補救。豈敢安坐鎮。而自比於堯曠。此其未臻於上壽也。蓋鞠躬盡瘁。而不由於六氣之珍。二暨之攻。嗚呼。公之器識度量。遠超乎世見之外。故其和氣謙德。實能自忘其功業之盛。與爵位之崇。其於文章學問。洞悉本末。每自視欲然。與人爲善。而亦不眩於門戶之闊。其接物也。靡義漸仁。而使之自化。其垂訓乎後嗣也。諄諄乎推義利之辨。枝求之戒。而孝弟之是宗。此不特古來將帥所未有。即古來名人大儒。亦渺及其從容。固宜邀殊常之曠典。而特諡於九重。嗚呼。黃流陶。陶西寇猶記。陸有跽龍。蟒有伏戎。假我數年。庶諸患息。而元氣漸充。乃一朝而長逝。使天下感喟於無窮。嗚呼。公已往乎。彼野哭仰歸者。徒見光焰之燭空。其騎箕尾而上升乎。將臨照乎斗牛之分。全吳士庶。永託於耕稼。

李傳獻

榮哀錄 祭文

嗚呼。我公之生。六十有二年。心憂動而匪懈。法天德之乾乾。學惟日其不足。力以久而彌堅。宜百年之逢吉。何乃創生之靈穎。嗚呼。公之道德。孔孟之亞。公之經緯。望散並輝。公之憂樂。後先天下。公之文學。四科辭夏。公之心志精神。全鎔鑒於戎馬。當夫義旗初建。公誓不還開。誠布公。延攬英雄。天下已定。自視欲然。彌論宇宙。公何加焉。及至元老北覲。大戒內亟。公曰和我。實維全局。籌謀在握。眾口交非。公之精誠偉抱。不以物論移。然天下識與不識。至今無不服公之心。而畏公之威。嗚呼。我公天子是佐。風雨飄搖。賴茲元老。桃李滿門。公是師表。羣疑兼難。待公而掃。譬猶日月經天。而邪枉無不照。又如華嶽鎮地。持重而天下不撓。維公之生。嶽嶽降祉。及公之沒。天地晦冥。黃童白叟。嗟予誰父。天子曰咨。奪我良輔。聖哲開先。公啓厥後。有公則華。無公則陋。豈天不欲治乎天下。何令我公之不壽。不肖侍公。歷年二紀。宦僻京洛。伊誰知己。非受教於門牆。將抑鬱而誰語。胡千里以尋師。乃匍匐而哭吾夫子。吾不爲一身而悲。恐天下之患。嘗從此始。

九

張裕釀

嗚呼。嗚自炎劉。芒芒百代。光岳之精。銷鑠敗壞。孽往校今。百靡一遠。號烈子軀。幾乎寧再。執謂並世。歎覆我公。謝羣絕倫。奮起湘中。銜度千載。蹈古比隆。惟公懋學。三代與期。六經百家。窮源沈疴。導達棟末。藩快途夷。於天

五

地人靡莫不頌。炳為文章。靈雄諾唯。惟公經務。洞見治
 機。曰惟五禮。哲王之遺。及兵與食。國之大猷。古稽而合。
 今施而宜。千聖之心。仰而思之。公之得人。為天下。憂文
 武鉅公。驚轟淑旆。峨冠大帶。著彥會會。旁逮羣碎。豈足
 養者。若金競耀。容於一治。公之奮亂。再造九區。忠誠饋
 餽。雲龍升扶。手提萬葉。摧蕩凶孽。南捲揚越。北盡汝水。
 西指崑崙。東至於海。六宮寮開。天地清泚。老婦種蔬。絕
 蘇起。凡公樹立。橫被八垓。極千萬億。橫目之民。怙公
 若父。嚴公若神。豈謂我公。爾若浮雲。獨居榮耀。莫斷其
 津。秉之所賦。公之所貽。跋公莫至。夢阜想。臺臺其。其
 戰戰其危。費元消。轉運密移。天管聖。庶其予。回。執
 謂我功。我其敢知。孰謂我罪。我其敢辭。公乎卓越。臺其
 在斯。徽烈之多。乃公兼。人之不諒。云公捷進。吁嗟近
 古。嗚則躋茲。如何奄忽。天實凶。九重震悼。萬姓雨泣。
 矧我小子。靡所比似。薄陋拙。世之所棄。辱荷公知。區
 區文字。警海細川。我乃捐輸。暇日請。公靡色喜。評權
 古今。往往移。嘉我辭我。我誓我砥。翼我兼我。昇我無
 已。我屬別公。昔冬季季。孰云幾日。途隔萬世。天下之痛。
 一生之悲。哀來無端。踴買如塵。公乎有知。其愁予悲。嗚
 呼哀哉。

一〇

趙烈文

月之二十日。驚聞吾師蔡逝之信。五內摧裂。頃刻迷悶。
 傷哉奈何。自庚午冬。富驛莊送師南行。見師神氣衰頹。

心嘗憂慮。恐不得復侍顏色。是以頻年感槍。南望長息。
 思欲奮飛而返。嗚呼。今幾何時。乃竟有此離羣。傷哉。傷
 哉。吾師今年六十有二歲。壽未期盡。生平稟賦之強。盡
 以用之國家民生。在師功超德邁。洒然遺世。豈復有憾。
 顯世事未寧。隨憂方大。朝廷奈何。子遺奈何。聞正終之
 頃。吉祥善逝。安坐含笑。初無疾苦。吾師天人。完歸為樂。
 獨不念。嗚嗚舉首之憶。光。歸結待望之寒酸。失所依歸。
 靡望跬步。耶。天不慈。胡寧大忍。傷哉。奈何。烈紅東一
 飯。淺蒙鄙之人。於師門無一銀之繫。援。自匹夫致之方
 州。兄弟甥姪。並受參養。援拯之恩。逾於大親。十年以來。
 言笑忘分。涉名理則。以治心。語應世則。教之實踐。聞
 門常行。許其敦睦。治理薄效。謂為多才。下至小文曲藝。
 無不出入。輔頰。擲不置。嗚呼。烈所蒙被於師。豈一息
 未盡所得忘耶。古人心喪三年。獨居築室。而門生之於
 舉主。往往棄官奔走。千里行哭。烈生千載之下。形格勢
 禁。此志不可復發。然心神散失。官骸塊然。嗟乎。縱能安
 存。亦墟莽之朴而已。尚何言哉。尚何言哉。靈旆在天。無
 遠勿屆。既伸哭寢之禮。輒寫哀悰。達之几筵。師其鑒之。
 謹告。

詩

一 (病中哭師得三十韻)
 一春噩夢多。奇險吁可怪。抑鬱困五衷。事恐關成敗。果
 吳坤修

於二月初。我師薨於位。倉皇駕輪舟。滿棺盡哀思。回憶壬子冬。長沙甫隨侍。赴節於壯武。治軍本初試。掃卻桂東塵。一軍分作二。赴節援西紅。壯武留重軍。我放哭秦庭。如專乞芻糈。重九返衡陽。下游賊復熾。草草起異軍。岳陽敗陸地。慘澹圖振興。持籌事不易。破竹下武昌。金甕騷人意。豈期到尋陽。兵機又復轉。舟師陷蕪湖。岌岌如已棄。我遂赴經營。隻身策單騎。就餉蕪嬰城。師亦來駐紮。茫茫一旅師。百折幸不墜。四塞盡陰霾。不獲獨一字。我分武昌軍。立意濟臨端。與師歷艱辛。性命聯指臂。從此下江南。羣賢日紛萃。名王報生擒。齎賞次策議。媿我分寸勞。亦行忝省使。聞師撒手時。光明遍世界。東南抵定功。明詔予特設。勛可史館書。像可凌烟畫。費盡一生成。獨完千古事。皖省崇新祠。願師顯靈異。雲中甲馬來。椒醑飲一醉。若報知己恩。終身孝也派。若念訓勗言。隨時蕭膜拜。

二（送文正師撤南歸泣賦）

吳坤修

人生重氣節。遑問生與死。披擻衣冠族。照耀典台輝。此借朝廷恩。乃娛勢利徒。若遇有志士。掩口先胡蘆。所重在心許。可恥是面談。一言如人骨。百折任攢膚。我憶廿年前。無端率奔趨。一登湘鄉門。從此無歧途。勉我籌南據。或與崇庵俱。萬人紛如海。獨覺禮數殊。時忽遭事吠。暗暗相捉扶。卒令風波下。不為斧鑕誅。手書一一在。責為君子儆。浮名不輕加。使人無話語。常舉厲鳩詩。書紳

樂哀錄 詩

作良識。即此師弟情。金石不能逾。一旦棄我去。龜焉等諸孤。瓣香亭一角。遺像飄長鬚。我援心喪說。晨夕慘號呼。本欲扶靈車。遠送渡重湖。一官如繫匏。進退難自圖。況值焦爛後。神衰貌亦臞。金親雲旗。紅風噴槽馬。一生知己恩。著想費難紓。寸心隨所往。化作雙飛鳥。倘遇古城南。往迹尋一廟。辛苦不可說。吾師慘世無。

三（祠堂落成紀事）

吳坤修

皇帝御極初。辛酉八月朔。璧合於珠聯。存瑞皆駢集。惟時老湘軍。圍院加嚴急。卽於是日壞。城克賊就促。火燒露布聞。兵威誠卓卓。次第平東南。厥機在此著。今聞我師薨。萬姓咸感泣。情以古雙蓮。立廟祀褒鄂。救民水火恩。權作銜環雀。我請達帝廷。輿情未可卻。豈期甫定基。臘毒使繼作。每於呻吟中。指畫嚴匠約。神工鬼斧併。頃刻起樓閣。師恩入人深。衆工顛踴躍。按限告成功。莊嚴復式廟。製曲將迎神。一一合禮樂。師會駐行臺。高樓樹一角。早晚坐其中。憑眺紅與嶺。靈旗指日來。此舉屹然諾。鬚髮動如生。清酒敬一爵。作詩在後來。有為亦咸若。

四（哭師）

李元度

一夕大星落。光茫薄海鷲。九重悲上相。萬里失長城。傳說騎箕尾。虎圖富甲兵。宗臣應禘祫。公再造江山。似應援傳文。忠阿文成。張文和。例侑享大蒸。天語極哀榮。獄獄擎天柱。南銜鎮上游。靈鐘撞相國。地接蔣恭侯。湘鄉自漢將。蔣公瓊越。二千年乃生公。名士無雙

略。僱臣第一流。早聞議大禮。議論已千秋。(宜爾賞配
 續柏。公有特見。) 五管紛蛇豕。黃巾匝地橫。直隸萌諸
 孽。內寇石頭城。宿將皆迴席。詞臣獨請纆。蒼生萬人敵。
 蔡作李西平。墨經登壇日。江心戰血紅。孤軍奔屢北。百
 折水仍東。妖霧迷銅雀。弋船鑿石鍾。蒼黃授遺檄。蕞草
 誓完忠。(靖港之敗。公草遺疏。遺檄各千餘言。手受元
 度。) 自駐軍門節。重收劫後荼。代肩當局任。誰納密軍
 帆。百戰摧蠭虎。長江劍水犀。巨盧荦萬丈。鷹續紀公碑。
 血戰湘江左。功成背水餘。出師諸葛表。奏捷令公書。將
 相盈門下。麥夷間起居。弟昆同錫土。褒鄂比何如。壁立
 門千仞。臣心水共澄。二難領鐵券。三度鎮金陵。薄海未
 蘇息。餐波向沸騰。知公憂國淚。泉路尚沾膺。白髮門生
 在。荒江作幸民。平生數知己。當代一元臣。諸謫鏡天越。
 文章最替人。(蒙改削散體文十三首。) 傷心博陽第。
 無復吐車茵。記入元戎墓。吳西又皖東。追隨憂患日。生
 死笑談中。末路時多故。前期我負公。雷震與雨露。一例
 是春風。慈母難投符。遺靈解網仁。烏膽容反哺。膠牘閱
 勢新。公治云非罪。會參未殺人。至今披疏稿。汗背泣沾
 巾。一別十三載。相思欲斷腸。偶裝作元冥。猶似詠陳湯。
 (賜序先正事略。猶昭雪前事。) 有殉遊吳會。無緣拜
 後堂。因為效端木。築室獨居攝。昭代五文正。惟公照斗
 魁。孤忠能治國。天性最憐才。青史無遺讓。蒼生競述哀。
 程門今已矣。立雪再生來。

五

張文虎

公聽五經月。痛定益哀思。天簡三期輔。風情百世師。純
 忠無矯飾。實惠善因時。正有蒼生感。人間未盡知。千秋
 論名士。未必古今同。遇勝李忠定。才餘韓魏公。及門多
 柱石。拔萃到曠蓬。驅策無凡馬。知應冀北空。世人矜一
 得。方寸已張皇。學問融虛抱。功名入坐忘。海波寬並育。
 秋月靜無芒。心法枝求戒。能違道自誠。(遺訓有枝求
 詩二首。) 十載江南北。侯門久盛年。多聞稱過實。寡欲
 許幾愾。(戊辰贈句云。多聞遠企劉中壘。寡欲差同徐
 偉長。又嘗謂有儒者氣象。) 目斷喻丹旆。情深繫白鞵。
 (去春辭庸堅阻。) 湖山遺像在。和氣見眉鬚。(莫愁
 湖華嚴庵墓公遺像。笑貌如生。)

六

薛時雨

天教元老備哀榮。一夕台星殞石城。報國此身無缺陷。
 留公寰宇合澄清。人懷君實多私誅。帝比希文受大名。
 事業蓋棺方論定。熙朝信史有真評。
 唐宋中興事本殊。時艱端賴重臣扶。但教捷伐殲羣醜。
 依舊車書拱帝都。諸將有才歸來袋。先皇獨斷壹軍符。
 功成灑淚何人覽。一片孤忠念廟謨。
 擎天柱石鎮江甯。鑒定終能大亂戢。萬姓瘡痍瘳再造。再。
 十年休養節持三。郊黨尸祝銘遺愛。士女香花播美談。
 威世剛庸崇祀典。鄉賢舊澤合同龕。(專祠擬建四松
 庵。唐為陶文毅公遺蹟。)

御談小藝亦超倫。小隊頻過訪部民。蘭玉清芬同北面。
(公子稟誠增陳松生。受業余門。)烟霞沈頓旅西賓。
感稱勛德非私誼。悵望乾坤少替人。我李孤寒八百土。
生芻莫罷一沾巾。

七

戴望

陽和變秋氣。衆木失雲陰。毒霧朝合日。流芒夜值心。千
秋喪遺愛。四野聽悲吟。不用明公出。東南久陸沉。
十載世尤亂。天教力故平。勛績垂故府。感痛有儒生。多
士忘科式。中期思典刑。更憐三百戶。結縶滯交縈。(公
設脩節堂。以養孤嫠。薨之日。皆行哭失聲。)

南獄天開運。如公首降祥。威名况新建。清節擬汾陽。豈
特中興冠。實爲昭代光。都哉文字富。道味溢篇章。
古稱三不朽。公舉足當之。欲瀆長河派。爲題頌德碑。九
原誰可作。一藎愧相知。鴻帳空堂上。論文憶昨時。

八

劉壽會

賤子戊戌生。公時登玉堂。束髮慕名賢。讀公姓氏香。側
聞隣侍從。嘉謨期光皇。沃心丹屐錄。復有議禮章。旒傳
到家塾。展誦聲琅琅。大道無端倪。童稚味測量。先君有
勳訓。辟呼曉能忘。公如在。慶歷華范富。歐陽癸丑丁。喪
亂。烟塵浩穢橫。長江失天壘。東淮如沸羹。聞公提義師。
問關起衝潮。又讀討賊檄。其言慨且慷。想公天人姿。冠
世真豪英。霄淵之梯接。景行不得望。幾年避黃巾。故園
池館荒。先君抱陰經。烟水湖東艤。樵蘇資客棹。往依郭

淮揚。淮揚甘說士。尺書遠寄將。公方勸師旅。禮辟有未
遑。妖氛纏院中。淮揚轉戰亡。先君爲字孤。負廬東海旁。
會辭益陽招。公歎風韻長。辛酉克蘇州。越歲書促行。公
時開東閣。延攬倒屣裳。賓席禮先君。清宴華聯張。賞奇
到經術。師旅談吾鄉。謂承文達緒。驟斬江燕汪。九流辨
溟涇。四庫森戈鋌。真因執純德。人物如西京。贊誦偏家
案。雅度何能餽。或乃造高虛。深誣移三商。八聯立躊躇。
驚羨到騎兵。爾時樓船兵。江漢歌伯流。介弟金陵師。連
捷用花崗。功名溯報虞。志晦用益明。草昧開經綸。文字
莽初萌。乃義開儒館。黜頌來驚鷲。雙髻外史畫。抗迹顧
與黃。敦仁兼復禮。公學能頭頰。卷帙顏汗牛。沈鐘二百
精。校理屬先君。異同參毫芒。故錄刊謬書。落簡無迴更。
尙論爲紀年。志事昭貞剛。燈火精蘊中。纂述鉛藥忙。三
元際甲子。吳會消樓槍。旋收金陵城。威孤殪天狼。鼎定
撫洪爐。再睹民物康。賓佐皆從公。東下治征裝。投戈乃
修文。冬試開舉場。賊子海濱來。載筆意激昂。禮庭侍先
君。謁公懸騎航。行卷進素業。裝藉超恒常。更及制舉文。
謂可決榆枋。頗譽虎條勁。探盼驥足驪。風雲揭榜夕。華
燭瑣院光。岳牧咸在列。接吏如堵牆。唱名及賤子。名剛
鄉貢行。公聞有喜色。嗟惜不暇詳。鬱比愛土忱。薦坐衆
目眩。垂翅夫何言。結感迴中腸。明年公北征。合肥攝封
疆。置局刊經書。續錄甄國魂。尙當屬先君。禮遇與公衡。
乃下金陵居。巷宅鄰青楊。賤子思請纆。從公涉徐方。眷

繼庭蘭葉。季奉益望。兄報知竟無由。此意今猶振。相陰
 郭中丞。實佐政綱。特奏先君名。教土宜上座。中丞之
 雅故。采譽因公。裁推刻不已出。淵識孰與。印丙寅公還
 拾。惠化蘇疲。貳再請被。留言。陰公鬢髮蒼。德業重。勉
 望繼公。怡長。會刊班。范史。先君仍。勤。咨詢及政典。士
 畜兼。推防。石城重。寓公。舉似。通德。承歡。被。僮。服。環塔
 羅。酒。漿。河。潤。及。九。里。公。德。難。繼。抗。旻。天。嗟。不。弔。鮮。民。罹
 疇。殃。痛。植。丁。卯。秋。先。君。疾。臥。床。求。獲。荷。公。賜。終。難。起。膏
 肓。計。達。公。担。驚。臨。弔。淚。橫。眶。撫。視。草。土。中。垂。慈。憫。清。廷
 贈。旌。俾。成。禮。窅。步。安。北。邙。仍。養。生。計。艱。僑。館。贖。許。僮。月
 分。都。府。錢。饋。貧。資。春。糧。公。曰。汝。家。督。弟。弱。賴。汝。臣。好。慰
 母。氏。心。門。庭。肅。蒸。嘗。大。業。期。不。墜。家。學。宜。續。廣。勤。廉。二
 字。儆。植。躬。在。自。強。館。中。英。彥。萃。善。贊。先。德。芳。講習。有。所
 資。追。琢。成。瑤。珠。此。風。高。古。人。誦。義。編。列。勳。禁。禁。彥。昇。兄。
 不。嗟。葛。帳。涼。子。子。叔。敖。子。庶。免。負。薪。傷。仇。書。承。先。業。鑿
 檀。珍。標。錫。禮。經。考。姬。周。選。舉。探。蕭。梁。下。逮。肇。墳。書。未。云
 祛。曠。障。公。顧。譽。精。筭。掃。葉。見。術。迹。別。坐。視。燕。閒。訓。詞。周
 勉。激。說。經。明。緒。言。講。授。石。梯。航。朝。踐。殿。鄭。元。狀。物。稽。毛
 萋。轉。注。瓶。新。義。段。柱。走。且。僵。筆。扎。手。降。頻。師。資。裁。簡。汪
 己。已。孝。詔。書。保。董。觀。嚴。廡。攀。轅。攝。紅。左。租。道。紛。進。備。膺
 行。製。序。文。分。謂。華。實。相。薄。劣。局。足。珍。宏。獎。公。意。減。殷。勤
 語。後。政。勿。謂。召。伯。棠。夜。衣。思。補。堵。西北。浮。雲。知。委。記。訊
 起。屈。答。教。來。郵。畫。注。憶。何。稠。疊。在。遠。念。誠。蒞。祝。公。或。再

來。南紀民斯慶。天鑿孕業志。三菴歲生庚。塗歌而齋舞。
 羣頌賢德榜。謁公意尤嚴。為言視茫茫。思命懷坐鎮。抑
 畏懼莫當。問訊所校書。遺集徵思王。南朝廷壽史。討探
 業未央。瑣細及家事。護風旃摧藏。承言悼先君。年前值
 禱祥。再拜乞佳傳。仗公矜筆數。公許政暇為。信諾無時
 償。更及左氏疏。祖庭學未昌。公頗望續成。摘芬紅荳莊。
 念此誠靈餘。才不中揜采。六載實依公。危獲支撐。仲
 叔皆畢壻。季也亦僑。家門荷再造。出谷天衢亨。方期
 盡翼水。葵藿傾午暘。何圖大星殞。巫陽來下迎。奔問哭
 寢門。雪涕紛浪浪。公乎騎箕去。臨窆神悵。畢妻志佐
 虞。李郭功與唐。公名在史乘。算言蓋作郎。無待賤子陳。
 蠅鯨師鸞鳳。報德今無階。禮有府主喪。陳師費以哀。輟
 翰心傍徨。公靈其鑒。詩。叫雲排天開。

聯

一
 二十年艱難相從。深知儲極勤勞。兀矣中興元老。
 五百里倉皇奔命。不獲親承色笑。傷哉垂暮門生。
 二
 受業吳坤修
 受業梅啓照
 武卿可擬。汾陽可擬。姚江亦可擬。蕭湘術說。開氣瀾鍾。
 四十年中外傾心。如此宗人空想像。
 相業無雙。將略無雙。經術又無雙。蔣阜素淮。大星忽隕。
 廿六載門牆回首。代陳遺疏劇悲哀。

三

弼室共趨庭。慈顏用靈。雅訓冰清。配席前無限提攜。彷彿春風沂水。

弱齡弱步。元老期高。國殤骨冷。偷泉下有綠暗話。淒涼明月紅天。

四

嶺紅知縣王厚堂通判陶寶奎
未墮荷裁成。北斗山高。方欣大廈瞻依。服教久欽文鏡。鞠躬真况瘁。南天星隕。遽失中流砥柱。傷心如喪武鄉侯。

五

江蘇記名道江清曠
生民擬山海鳳麟。應五百年名世。歷廿四考中書。正學懋躬行。帝額其助高柱石。朔運際風雲龍虎。通天地人爲儒。立德言功不朽。救時安守內。公誠無規補金湯。

六

受業章濟麟
術嶽雲興。大澤及天下。上台星隕。遺愛遍江南。

七

廣東候補道程桓生
修謁甫歸來。憶精神步履。矍鑠如前。何期變出須臾。半壁東南驚柱折。

考終錄福備。况道德勳名。昭垂不朽。獨念恩承高厚。廿年依倚瀟山頽。

八

榮哀錄 聯

小門生薛福成

明陳濟遠

遺蕭曹郭李范韓而上。大勳尤在薦賢。宏獎如公。極望乾坤一瀾淚。

竊道德文章經濟之全。私欲亦兼顧矣。任疏似我。追隨南北感知音。

九

知府劉景堯
相業贊中興。海宇澄清。賴矢精勤廿一載。師模垂後世。廉勤砥礪。敢忘遺訓十三年。

一〇

晚生歐陽秉鈞
偉略佐中興。元老壯猷無與匹。高文留信史。人倫師表定推公。

一一

江蘇知府桂中行
勳塞寰區。神歸河嶽。天奪元老。世失人師。

一二

內弟歐陽秉鈞
舊用相親。歎廿年琴韻書聲。頓成往迹。大星忽隕。合四海通才碩學。共哭元勛。

一三

江蘇知府張兆鹿
天祖有神靈。生公持挽中興局。乾坤試環顧。濟世爲難繼起人。

一四

受業劉翰清
有事君之小心。緯地經天。一代殊勳垂國史。惟夫子能先覺。肩情孔思。千秋絕業在遺文。

一五

門下晚生周世微
功在社稷。澤在生民。盡瘁歷三朝。四海蒙庥。豈獨蒙陰

偏南國。

歎其艱樂。惟其陵夷。教交延兩世。十年飽德。從今葛屨
拉西華。

一六

地復荆溝。喜頻年物阜年豐。到處有賈利樂社。
門多將相。悲此日櫟傾柱折。何由仰北斗東山。

一七

舉世託安危。生而為英。死而為靈。痛此時白馬素車。發
發紅棚流日夜。

一八

大儒作將相。先天下憂。後天下樂。看到處黃焦丹荔。紛
紛俎豆薦春秋。

一九

一介臣休休有容。頻年變理餘閒。小隊出郊垣。慣向山
左誦夷吾。

二〇

將相本師儒。武緯文經。真見大名垂宇宙。
治平出修省。先憂後樂。豈僅遺愛在東南。

二一

其功業卓乎李郭之傑。其文章總乎韓歐之長。名世鍾
豐。一代棟梁。宗岳麓。

二二

用天下財家不豐於資。進天下才子不顯於秩。至仁忘

己。千秋俎豆配姚紅。

二一

矢志奮天戈。憶昔旌雁傳書。道精衛填海。愚公移山。竟
歷盡水火龍蛇。成就千秋人物。

二二

省身留日記。讀到獲麟絕筆。將汗馬勛名。問牛相業。都
看作批糠塵垢。開拓萬古心胸。

二三

平生風義兼師友。甚古雲霄一羽毛。
天挺人豪。經文緯武。道隨運往。生榮死哀。

二四

待坐二十年。教砥行。教立名。真氣貫兩間。就業文章稱
不朽。

二五

抱病五六日。猶讀書。猶治事。大星隕一夕。民生士類痛
何依。

二六

手挽乾坤。萬里梯航瞻上相。
身騎箕尾。九重都睟失純臣。

二七

秉業佐中興。方功高畫日名冠凌煙。從教任席斯民。忽
見神光斂素斗。
司箋陪未坐。槍前滅星沈。今茲柱折。檢點中箱遺墨。幾
回腸斷泣春風。

中湘歐陽光熊

歐陽光熊

員外郎曹耀湘

前湖北布政使廣雲官

郭用孚

幕士孫芳與張變昭

二七

門人孫衣言

人聞論勳業。但謂如周召虎。唐郭子儀。豈知志在舉廢。別有獨居傑念事。

天下翻文章。殆不愧韓退之。歐陽永叔。却恨老來凝賦。更無便坐雅談時。

二八

檀道王大經

三代下無此完人。道德勳名。學問文章。經世具全神。立體祇從誠意積。

一霎間衰茲元老。朝野中外。億萬士庶。呼天齊痛哭。傷心豈為感恩深。

二九

熊其光

先帝知人。早屬東南大事。儒臣奮武。固應俎豆千秋。

三〇

候補 蔡德輝 史易 深 車 遊 丹 李逢源 康 獻 庭 藍 米 錦

化成立道。綏動哀榮。左官在民。在鄉黨朝廷。此日同聲一哭。

學宗誠正。修齊平治。為儒為師。為元勳佐命。於公獨有千秋。

三一

記名提督譚碧理

三朝勳履。百戰勳威。幾經盤錯艱危。彌成聖代中興業。九廟旂常。千秋帶礪。重以文章道誼。早立純儒殞世名。

三二

鄉晚生周開揚

中興將相出其門。合武鄉份隔之功。併為一手。

變哀錄 聯

半壁東南失所恃。問王尊謝安而後。幾見斯人。

三三

許長怡

昭代完人。處為大儒。出為元老。中興佐命。功在天下。傑在江南。

三四

湖北提督郭松林

偉業冠古今。滿而不溢。高而不危。統求國計民生。先憂後樂。

萬賢遍天下。功則歸人。道則歸己。若論感恩知己。異口同悲。

三五

夔州知府蕭德模

公今與皇變望敵同遊。擊古元勳齊俯首。

我正溯江漢沱嶺而上。每經遺壘輒傷心。

三六

兩淮運使方楷顯

衝嶽雲開天柱峻。大江星隕石城寒。

三七

年晚生錢振倫

一貫愆心傳。是獨鍾衝嶽英靈。湘海問氣。千秋昭定論。端不讓贊皇宏業。新建奇勳。

三八

長江船務委員李泰源

憂樂在心頭。足翹希文事業。勳名垂宇宙。並傳丞相祠堂。

三九

晚生馮譽麟

一旅獨勤王。誓此身蕩平江胡。勳業終能酬志節。片言曾論帥。記當日旌連詩酒。笑談早已識英雄。

一三

四〇 候選郎中許星翼
雷雨奮經綸。肩承東征。萬里金湯資鞏固。

勛名昭日月。神歸南岳。九重青瑣薦馨香。

四一 受業陳守和
今後儼型。吾將安仰。生前功德。民不能忘。

四二 晚生郭伯陸
拔奇夷難。遺德振民。史傳千秋無愧色。

四三 受業李翰章
偃革辭軒。銷金罷刃。輔星一夕忽韜光。

四四 受業李翰章
隻手挽乾坤。至今日生榮死哀。公真無恨。

四五 三品卿銜老湘軍統領劉錦棠
五百年名世挺生。立德立功立言。鐘鼎旂常銘不朽。

四六 知府范志瑞
數十載闔門銜感。教忠教義教戰。江淮河漢淚同霖。

四七 受業陳長慶
當代一人。是文鄉半。歲汾陽循儒。

四八 同鄉張雲理
大名千古。有華慶事業。歐柳文章。

四九 同鄉張雲理
立志邁千秋。何必論文翹韓歐。武冠郭李。

五〇 同鄉張雲理
感恩逾廿載。最難忘揚瀾入壑。持節導淮。

五一 同鄉張雲理
德冠郭李。衛山並茂。澤流天壤。澗水同長。

五二 受業李鴻裔
四八 受業李鴻裔

位冠百僚。而勢謙自牧。威加四海。而威德若愚。不震不
騰。隱几獨居勛業外。

四九 知府李寶森
年垂大耋。而神觀勿衰。病至彌留。而執掌靡恩。如臨如
履。易資猶在戰兢中。

五〇 安徽壽春鎮郭寶昌
寵眷備優隆。擢將相。貴殊恩。科名疊殺不為榮。所願在
丹辰陳謀。蒼生造福。

五一 前山西布政使劉秉璋
鈞衡資幹濟。作神仙。歸大暮。中外人民皆失色。臣惟是
梓鄉飲泣。槐府吞聲。

五二 門下潘鼎新
紅左失元臣。沐德懷仁。同向甘棠揮雨淚。

五三 涼州鎮周威波
濟東悲往事。塵枯吹朽。難將寸草報春暉。

五四 前山西布政使劉秉璋
天上大星沉。氣壯山河。身騎箕尾。

五五 門下潘鼎新
人間紛用位。功在社稷。澤被生民。

五六 門下潘鼎新
一身繫天下安危。夷徵邊氣。未了暮年心事。

五七 涼州鎮周威波
四海得英才教育。勳名德望永為後世儀型。

五八 同鄉張雲理
衡纜紀鍾英。忠勤智勇。發於天性。我公力挽乾坤勛業

五九 同鄉張雲理
換千秋史冊。

六〇 同鄉張雲理
江南遍遺愛。寬厚和平。獨持政禮。此日哀填衢市。真靈
仰莫古雲霄。

五四

安徽官民

捐業匡時。武功定亂。經術名家。上下千古。執後趨前。我公不朽。

九重震悼。百姓悲思。三軍銜泣。東南半壁。感恩懷德。吾院尤深。

五五

晚生英翰

稱道武鄉侯。盡瘁鞠躬。百戰卒成。中興業。壽輓郭尚父。內憂外患。九原猶繫老臣心。

五六

受業方駿謀

合志於畢。嬰周召之儀。食稱翼。勵時雍。允無慚德。受知在樂利。勛名之外。惟有修能自惕。用答深恩。

五七

門下士李壽蘭

士傾廣廈。民失慈航。天胡不弔。勦麗華夏。名垂宇宙。公實長存。

五八

侍館甥最鍾三

出師律以定中原。想百戰芒鎗。金甌再鞏。九重枚卜。錫鬚增榮。冊年來緯武經文。總歸夕陽維寅。比擬公忠如一日。

登泰山而小天下。念衡湘地接。香蔭桑枌。褒鄂門高。謬旌蘿蕙。五嶺外御輪親迎。豈意早逢半子。音容彷彿幾千秋。

五九

安徽知府劉奎光

文能拊衆。武能威敵。將相規模。往古備。

榮哀錄 聯

進思盡忠。退思補過。聖賢學問。近今稀。

六〇

擲再姪魏著

不用口碑。誦遺愛。實為朝廷生異人。

六一

參將葉折

用業行師。偉略欲通。新建伯。集思廣益。虛懷宜繼。武鄉侯。

六二

私淑弟子歐陽利見

五百年名世間生。三朝碩輔。試問紛紛。福履。諸葛經綸。人能兼備。厥躬。古今有幾。

數千里神州底定。一柱承乾。况復吐握賢勞。先後憂樂。天不慈遺一老。中外皆驚。

六三

門下士李燾章

師事近三十年。薪盡火傳。築室忝為門生長。威名震九萬里。內安外攘。曠代難逢。天下才。

六四

門下晚生沈保靖

成德建才。多將相器。克己勵行。以功名終。

六五

淮揚四營營官

龍節起三湘。時用飛來。半壁山河。重洗旂。犀軍分一隊。大星歸去。滿天風月。助雄飛。

六六

直隸同知陳崇砥

惟公至性。適人。看武功文德。勳業懋昭。卒能弼亮。三期。終此身。鞠躬盡瘁。

在我。感思逾後。楮外。慮邊防。謀猷未竟。益感遺聯。一老。

為當今宏濟艱難。

六七

年治晚生黃振綱

萬戶領侯封。墮淚恩同傘。叔子。

千秋論相業。易名不愧施希文。

六八

門下晚生黃彭年

公真一代名臣。挽東南已墜山河。百戰奇勛。論學行本原。猶為餘事。

我是再傳弟子。憶京洛叨陪杖履。卅年老友。每從容講真。咸服先生。

六九

直隸候補道蔣春元

為東南撐半壁山河。冀大亂初平。長資柱石。是國家第一流人物。胡中興攸賴。遠隕台星。

七〇

受業陳 羅

披胸羅海。沈幾默運。大度能容。廿載相依。廉孟子。隻手挽銀河。陶鑄賢羣。廓清九服。千秋共仰武鄉侯。

七一

受業葛啓琛

保安危之重。為社稷之臣。功名百世。將相一家。按鈔起羣英。幕下同僚多節鉞。

出大賢之門。許急流之遠。憂患相從。勸平親親。竊箕箒。此日。風前老淚滿江紅。

七十二

浙江候補道秦湘業

是名士。是名將。是名相。備於一身。衡岳翻鍾靈。天為中興降申甫。

有立德。有立功。有立言。足以千古。紅旆助悲願。人誰後。起繼蕭曹。

七三

李光明等

嘉惠士林。四部菁華皆授梓。周知民隱。百工技藝盡沾恩。

七四

廬州知府李炳濤

矮柱杖元侯。邊徼未安。竊聞泰岳將頽。絕筆不忘依北闕。

鐵規垂下吏。崩轅久戴。誰知彭城就講。鐵門長此哭西州。

七五

浙江提督黃少春

入正揆席。出總師干。以其身繫天下安危。真不愧元老。壯猷。名臣碩畫。

德耀皐皐。功逾管宴。所注意在民生休戚。恨未見鐵南解甲。離右錯兵。

七六

部民網緞橫業

禹臯相業。德在安民。卽編敵綺繡。彭施。亦沐大賢惠政。唐虞盛世。歌止擊壤。論智名勇功勛。詩觀惇史成書。

將相一身兼。恩眷方隆。驚看劍氣歸天。星芒墮地。華夷同淚下。春光忽暗。愁見湘江纓帽。衝嶽埋雲。

七八

黃存麟

海內外福宇偕依。入操廟算。出掃瘴氛。鞞旌拓中興。允

武允文資畫。

江西南停雲相望。我值懸孤。公傷弱節。去來同寸屨。一生一死輸交情。

七九

受業舒卓元

聖朝養士二百年。得公輔翼中興。方為食報。史館書勛數萬字。似此鞠躬盡瘁。不愧封侯。

八〇

受業劉子輝

秉節歷三期。門下屬僚多將相。達顏纔兩月。座中師傳竟神仙。

八一

晚生劉 輝

雅望駐江城。膝間會疏。一瓣心香瞻啓戟。豐功紀唐阜。峴臺重擬。千秋淚墨灑遺碑。

八二

江西紳士劉輝等

吳楚本聯疆。紀義旗初指。時用飛來。特為生民救水火。匡廬成失色。振去蠹偃靡。大江東去。長留浩氣壯山河。

八三

江蘇知縣唐煥章

其威德非下衷所及知。但看迴轍乾坤。陶成將相。惟胎謀待後人之嗣事。方懋廿年吐握。四國銷旂。

八四

通家晚生志 和

簪臺游虎觀。振臂息鯨濤。文治武功。燕許汾淮齊俯首。星月耀湘潭。風雲慘江樹。畏威懷德。蠻夷華夏共傾心。

八五

知縣薛元啓

廿載矢忠勤。愛國方深。連計名垂竹帛。

樂哀錄 聯

三邊需保障。勞心未已。定知氣壯山河。

八六

安徽知府劉芳萬

活國擬汾陽。形往神留。舉世傾心瞻北斗。感恩同越石。路修齒至。哭公有淚滿西州。

八七

江西知府王延長

盡瘁武鄉侯。千秋臣節。望隆新建伯。一代儒宗。屬吏蔡匯倫

八八

乘轡作牧。閱歷山河。

八九

年晚生何紹基

武鄉贊伯。汾陽模處。定於公元輔。奇勳指常特炳。二千載。

班馬史裁。蘇黃詩事。捨憶我詞垣。凱誼風雨傑談四十

九〇

晚生張之萇

臨履騰冰鑑。百世同悲會子笈。功勳逾灑落。千秋不數謝公墩。

九一

記名道刑部郎中潘會璋

開濟曆三朝。有二達尊三不朽。八表風清。再造勛名千古少。

九二

記名提督陳濟庸

威儀真百度。為百家長百世師。一宵星殞。九重震悼萬民悲。

九二

記名提督陳濟庸

為國家朕股心膂之臣。再造勳名郭忠武。

一七

鍾銜鐵毒瘡鬱積之氣。三朝知遇李長源。

九三

同里晚生楊昌傑

著道德能文章。是衡湘間氣所鍾。一代宗風更誰嗣。以備臣錄武帥。平東南數省大難。中興事業獨公多。

九四

晚生馬恩輝

任兼將相聖贊中興。彤廷十六字褒忠。盡萍翰躬應自慰。

鑒拔英賢培成後進。幕府萬千人俯首。泰山北斗復安宗。

論交誼在師友之間。兼親與長。論事功在宋唐以上。兼德與言。朝野同悲惟我最。

考初出以奪情為疑。實贊其行。考職績以水師為著。實主其難。艱難未預負公多。

九五

晚生左宗棠

謀國之忠。知人之明。自嫌不如元輔。同心若金。攻錯若石。相期無負平生。

九六

刑部郎中倪文蔚

知我十年前。問客何能。門下隘卒常自愧。論才三代後。如公有幾。江南愛樹已難忘。

九七

張文慶 唐仁壽

廿年軍國久忘身。不愧千秋史冊。三省官民齊淚下。豈徒八百孤寒。

九八

世曉生許乃劍

惟大學問。功高心愈下。是真澹泊。身沒志益明。

九九

院南鎮儒鼎立

相節昔從征。志決匡時。每飯不忘天下計。蓋躬今盡瘁。精誠繼嗣。遺章難竟老臣心。

一〇〇

江西記名道董似毅

立德立功。超越古今名不朽。為將為相。又安中外職無虧。

一〇一

寶山知縣王鴻訓

於國有鄂令再造之勳。規模非三代。下苟且僥倖功名。會友古人。允矣方叔壯猷。召公維翰。

修身見顏子不逮之用。緒餘兼四科中政事文學精蘊。師資後進。悲哉鄧侯入昇。傳說騎箕。

一〇二

同知毛俊臣

功德在人間。實至名歸。相業千秋懷大傳。英靈返天上。山頽木壞。心香一瓣弔鄉賢。

一〇三

門人彭玉塵

為國家整頓乾坤。耗完心血。隻手挽狂瀾。經師人師。我侍希文廿載。

精鄉城賡達函丈。永訣顏溫。鞠躬真盡瘁。將業相業。公是武鄉一流。

一〇四

襄鄉道歐陽正塘

武鄉侯學尊天人。功德兼流。滄海橫流資手障。文中子門多將相。品題增重。山壞草木等心喪。

一〇五

受業年懸姪袁保恒

冀世託通家。卅年來父子兄弟。奉壽益友嚴師。一旦遽
製梁木痛。

中興推佐名。三代下游常竹帛。綜論武功文德。幾人能
並大名垂。

一〇六

同鄉張雪理

真備事業今無匹。大臣裁成我最庸。

一〇七

寧國知府受業孫冀謀

天誦悼殊深。方期棉航就道。干羽舞階。容策老臣偏歎
逝。

公歸悲不復。歷朔雲帶臨戎。紅欄仗節。知名婦孺盡銜
恩。

一〇八

姻世姪朱式雲

幾輩共佐中興。論公柱石勛名。屈指誰堪呼伯仲。
祇今非無後勁。愧我湘山義舊。傷心再不荷臨陶。

一〇九

刑部主事朱壽鏞

笑擅矧希文。一身憂樂關天下。
高門重元禮。三世淵源及不才。

一一〇

晚生喬松年

勛業佐中興。何期天柱俄傾。九陛改容聞大息。
靡歌遍南國。恐看江流不轉。千城雲涕失瞻依。

一一一

三書院秀才

兆姓慶生靈。教養兼施。十年絃誦聲聞。務本先教培土

榮哀錄 聯

氣。

斯文失宗主。典型猶在。八百孤寒淚下。傷心豈為感私
恩。

一一二

前聲泰階道金國榮

承國家二百年教養。聖贊中興濟艱難。資倚界。機槍迅
掃。瀛海胥恬。悼績炳千秋。錫爵允能隆帝眷。

救東南億萬姓瘡痍。維持元氣崇勤讓。休和。鞠月重
來。大星忽殞。羣生同一哭。感思况是受公知。

一一三

如縣譚家璠

是豪傑。是聖賢。來一貫薪傳。親民明德。
有天爵。有良貴。歷三朝寵遇。生榮死哀。

一一四

山東知縣胡鼎祺

神仙福分。將相經綸。更痛操煉然。身後只餘桑八百。
佛子衷腸。書生面目。忽前修邈矣。心喪還有客三千。

一一五

同知陳光烈

七省被恩膏。偉矣勛名滿天下。
三台望星象。爛然功業在人間。

一一六

姻世姪郭 階

一德契宸衷。方資榕蔭廟堂。乍驚梁木遽摧。篤念蓋臣
應震悼。

十年從父執纜。幸追隨杖履。何意巫陽起召。傷心撼陸
更誰依。

一一七

直隸州莊祖基

一九

德行官輕政事文學。一身備聖教四科。又兼勸業崇高。李郭范韓誰與比。

令妻梯弟孝子順孫。六秩占人間全福。更羨君臣際遇。畢妻覆袂祇如斯。

一一八

張復勝等

功高百辟。德被兆民。經濟本文章。名世間生成相業。祀奉千秋。侯封萬禩。勛猷瀚鐘鼎。酬庸異數荷天恩。

一一九

縣丞程柱

大經濟從學問中來。當年整頓乾坤。實惟伊訓一篇。呂賴六策。

奇事業由艱難而至。此日推崇德望。允宜馨香百世。圖繪千秋。

一二〇

受業李傅麟

五百年篤生名世。武功文德。震耀古今。忽傳上相云亡。歎斯民誰為先覺。

二十載依總師門。北馬南船。奔馳壇坫。痛哭春風頓首。徽夫子吾將安歸。

一二一

世愚姪邵順區

任艱鉅以佐中興。學問勳猷。共仰表師。敦故舊而撫孤弱。飲食教誨。劇感恩施。

一二二

門人李興銳

增運仗元臣。蕃地神仙驚帝夢。在賢真宰相。曾天桃李哭春風。

一二三

弟國 橫

無忝所生。病如孝。恨如晷。厥德有常。更如王父。孝友式家庭。千里奔臨空自位。

以古為鑑。文似歐。詩似杜。鞠躬盡瘁。殆似武鄉。功名在天壤。九原可耐作人思。

一二四

世晚生許敏身

德澤被東南。十年來掃盡機槍。位亞汾陽。名齊諸葛。大星沉江皖。千里外聞歸蓬島。心傷雨楚。哀動三吳。

一二五

晚生馮桂芬

武緯本文經。為漢唐後儒臣吐氣。中興燒開國。與順康間元佐論勦。

一二六

(蔣春元)

出西州門迤邐而來。看桑麻遍野。花柳成蹊。十萬戶重賭昇平。遺愛難忘。白叟黃童齊塗淚。

與中山王後先相望。幸湖水波恬。石城塔靜。五百載允符運會。大名並峙。袞袞赤烏共圖形。

一

同治十一年二月十二日內閣奉上諭。大學士兩江總督會國藩學問純粹。器識宏深。秉性忠誠。持躬清正。由翰林院蒙宣宗成皇帝特達之知。洊升卿貳。咸豐三年間。創立楚軍。剿辦粵匪。轉戰數省。迭著勛勞。文宗顯皇帝優加擢用。補授兩江總督。命為欽差大臣。督辦軍務。朕御極後。簡任給屍。祭資倚任。東南底定。厥功最多。江寧之捷。特加恩賞。給一等毅勇侯。世襲罔替。並賞戴雙眼花翎。歷任兼圻。於地方利病。盡心籌畫。老成碩望。實為股肱心膂之臣。方冀克享遐齡。長承恩眷。茲聞溘逝。震悼良深。會國藩著追贈太傅。照大學士例。賜卹賞銀三千兩治喪。由江寧藩庫發給。賜祭一壇。派穆騰阿前往致祭。加恩予諡「文正」。入祀京師昭忠祠賢良祠。並於湖南原籍。江寧省城。建立專祠。其生平政蹟事實。宣付史館。任內一切處分。悉予開復。應得卹典。該衙門察例具奏。靈柩回籍時。著沿途地方官妥為照料。其一等侯爵。即著伊子會紀澤承襲。毋庸帶領引見。其餘子孫幾人。著何璟查明具奏。候旨施恩。用示篤念忠良至意。欽此。

二

同治十一年二月十八日奉上諭。前據穆騰阿等並梅

樂哀錄 上諭

啓照同日奏到。會國藩因病出缺。當降旨優予卹典。並於湖南原籍江寧省城建立專祠。生平政蹟事實。宣付史館。一等侯爵。即著伊子會紀澤承襲。其餘子孫幾人。令何璟查明具奏。候旨施恩。茲據何璟歷陳會國藩公忠體國。懇著賢勞。覽奏尤增悼惜。何璟原摺著暫行留中。即將該故督之孫何名。年歲若干。查明具奏。再降諭旨。欽此。

三

同治十一年四月二十八日奉上諭。大學士兩江總督會國藩。於本年二月間。因病出缺。當降旨優予卹典。並於湖南原籍江寧省城建立專祠。生平政蹟事實。宣付史館。一等侯爵。即令伊子會紀澤承襲。其餘子孫幾人。令何璟查明具奏。候旨施恩。旋據何璟。英翰李瀚章先後隨陳會國藩歷年勛績。英翰李瀚章並請於安徽湖北省城建立專祠。又據何璟。遵查該故督子孫詩晰。覆奏。披覽之餘。彌增悼惜。會國藩器識過人。盡瘁報國。當湘鄂紅皖軍務棘手之際。倡練水師。矢志賊賊。雖屢經困厄。堅忍卓絕。會不少渝。卒能萬眾一心。削平逆寇。功成之後。寅畏小心。始終罔懈。其薦拔賢才。如恐不及。尤得以人事君之義。忠誠克效。功德在民。允宜迭沛恩施。以彰忠蓋。會國藩著於安徽湖北省城建立專祠。此外立功省分。並著准其一體建祠。伊次子附貢生會紀鴻伊孫會廣鈞。均著賞給舉人。准其一體會試。會廣鈞著

實始員外郎。會廣銓著實給主事。均俟及歲時。分部舉習行走。何璟英翰李瀚章摺三件。均著宣付史館。用示眷念。勳臣有加無已至意。欽此。

諭賜祭文

朕惟功懋稽實。信圭表延世之勳。思贊贊襄。雖粗厚飾終之典。爰申殫奠。用責絲言。爾原任大學士兩江總督一等毅勇侯贈太傅會國藩。賦性忠誠。砥躬清正。起家詞館。屢持節而論才。俯仰卿曹。輒上書而陳益。值皇華之載賦。聞風木而禮歸。忽鄉鄰有鬪之頻驚。橫池盜弄。棟簫陣無勇之非孝。墨經師與。奇功屢著於江淮。大名永光乎竹帛。俾正鈞衡之位。仍兼軍府之尊。一等肅庸錫侯封於壽。雙輪曳羽。影翠影於雲霄。重鎮鑰而任北門。百僚具式。還敬戒而惠南國。黃髮騰歡。方期碩輔之延年。豈意遺章之人告。老成忽謝。震悼良深。頌厚贈於裕金。遣重臣而奠醊。特易名於上諭。贈太傅之崇階。列祀典於昭忠賢良。建專祠於金陵湘。彝章載考。初祭特頒。於戲。天不終遺一老。永懷翊贊於元臣。人可曠令百身。用寄咨嗟於典冊。靈其不昧。尚克歆承。

朕惟位兼將相。仗經文緯武之才。氣壯山河。懋崇德報功之典。爰陳芳奠。用獎成勞。爾原任大學士兩江總督

一等毅勇侯贈太傅會國藩。學有本原。器成遠大。忠誠體國。節勁凌霜。正直律躬。心清照水。初聯班於玉署。去省黃裳。旋獻賦於鑾坡。芝坊晉秩。臺司文柄。先蜀郡而後供都。頻進謙言。因疾風而知勁草。鞏階超擢。荷先朝特達之知。忠悃彌摯。篤臣子靖共之誼。乃乘輶而奉使。旋持服以去官。值粵逆之紛來。遂楚軍之創立。援墨經從戎之義。俾移孝以作忠。勵丹心報國之誠。每出奇而制勝。選將不拘常格。募壯士於三科。分軍屢拔逆巢。偏長城於萬里。秩陞總制。節授專征。伯除黃祚。誦功於建業。酬庸錫爵。膺懋賞於通侯。擢穴擒渠。告成功於建業。未幾。繼繼移節。藉修三接之儀。既因南服。才。仍復兩江之任。方冀長承。懋懋。恩眷優隆。何期遽隕大星。老成彫謝。賢遺章之入奏。震悼良深。予卹典以從優。哀榮式備。諭重臣而致奠。給國帑以治喪。崇階贈太傅之銜。秩祀永賢良之譽。並專祠之分建。宜世裔之欽承。特卹丹給。增光青史。諡為「文正」。允副嘉名。於戲。日贊黃扉。勳業永思。夫補受。風棲丹旆。揄揄倍切於麟箕。孰是越芬。榮茲俎豆。

諭賜入祀賢良祠祭文

聞鼓聲而思將帥。每深良弼之懷。拾馨香而感神人。用承明德之報。崇祠載列。元祀攸隆。爾原任大學士兩江

總督一等毅勇侯贈太傅曾國藩。學蔚儒宗。忠全令德。早入承明之選。玉尺提衡。旆躋脚貳之班。冰壺製操。歷華省而讜言屢上。龍種制而正論無阿。迨奉諱以旋湘。匪盡哀而蘆墓。值戎車之告喪。奮集鄉兵。爰墨綬以誓師。旆遽朝命。勇坪爪土。率長沙子弟以先來。捷奏膚功。挽半壁河山而永定。綸扉懸獎。鑲制仍愈。雙輪揚上將之華。輝增翠羽。一等錫通侯之貴。服稱黃柱。延賚賞於後人。昇官銜於太保。節制甫資於北道。旌旄旋轉於南方。歌靈楮而人望。鵬飛翼長江而民爭。蟻伏范希文以天下自任。志事終酬。李西平為社稷而生。身名俱泰。江淮流蕙。草木知名。方倚元老以圖功。忽偃台星之斂耀。披章軫側。厚禮飾終。晉太傅之崇封。易嘉名於上說。念經天而緯地。斯謂之文。繫輪世而長民。爾身克正。尤表實良於京國。瞻懷耆舊於湖湘。廟貌聿新。蒸嘗罔替。有功德於民則祀。尚念典型。惟俎豆之事嘗聞。載頌芬猷。昭茲休暉。式克欽承。

御製碑文

朕惟台銜績。樹峻望於三公。鐘鼎勳垂。播芳徽於百世。寵頒紫綬。色煥丹珥。爾原任大學士兩江總督一等毅勇侯贈太傅曾國藩。秉性忠純。持躬剛正。爾程朱之精蘊。學茂儒宗。佛方召之勳猷。器推公輔。登木天而奏膚表。風規歷芸館而徑黃。誠孚日講。屢持使節。兼校

榮哀錄 御製碑文 奏疏

春闈。權擢翰班。允諧宗伯。翺建言之直節。荷殊遇於先朝。凡茲靖獻之丹忱。早具處貞之素志。乃笑來夫粵匪。俾訓練夫楚師。拔岳郡而克武昌。功如破竹。靖章紅而平皖水。威振援袍。兩江拿制府之權。九伐重元戎之命。朕丕承基緒。睿念成勞。榮銜特昇以青宮。峻秩更登諸黃閣。辭節制於三省四省。彌見寬恭。精調度於湘軍淮軍。務嚴申令。聯蘇抗為犄角。堅壘同推。倚昆季為爪牙。迺集直躄。金陵奏凱。趙皇考知人委任之明。玉詔酬庸。褒元老決勝運籌之略。既折圭而列爵。亦疊翠以彰纓。既而轡輪量移。因之闕廷展觀。破蹟近懸。黃推社稷之臣。揚靈厚遺。無漸清白之吏。惟是瘡痍未復。每蘆念乎天南。鎮輪攸司。仍盪歸於江左。方謂功資坐鎮。何期疾遽。倫。祖贈太傅而階崇。祀賢良而眷永。專利偏祭。世實優頌。易名以表初終。覲實允孚「文正」。於戲。松楸在望。倍懷麟閣之遺型。金石不靡。長荷鸞輪之錫寵。欽茲異命。時爾豐碑。

奏疏

江蘇巡撫查明事蹟疏。
江蘇巡撫臣何璟跪奏。為督臣因病出缺。暫委藩司代拆代行。請旨迅賜簡放。并陳督臣歷年賢勞。懇懇恩施。仰祈聖鑒事。竊臣於同治十一年二月初六日。接據江寧布政使梅啓照稟稱。督臣曾國藩正月廿六日。忽患

手戰舌強。似有中風之症。延醫服藥。旋發旋止。仍視公事不輟。惟醫者診脈均云。「心血通虧」等情。正馳念間。旋於初八日接梅啓照續稟。初四日申刻。督臣前症復發。兼患足麻。卽於是日戌刻出缺。已由該司將各印信封存。弁於初五日將督臣遺摺。由驛馳遞奏明。請旨簡放遺缺。鈔錄奏稿到臣。臣接閱之下。不勝駭異。伏念大舉士一等毅勇侯兩江總督臣會國藩。由翰林起家。以大考受宣宗成皇帝特達之知。游騎勁武。道光三十年。在禮部侍郎任內。應詔陳言。屢獲嘉議。忠忱詳剴。仰冀嘉獎。咸豐二年。典試江西。丁憂回籍。旋以粵匪竄陷武昌。奉旨飭辦團練。數年之間。迭奉援鄂。援皖。援江西。擢浙。援蜀之命。無日不在兵間。文宗顯皇帝殊批獎勵。鑒其孤忠。十年四月。遂以兵部右侍郎。簡授兩江總督。欽差大臣。皇上踐祚之初。倚任愈重。同治元年元旦。以克復安慶功。授協辦大舉士。三年六月。以克復金陵功。錫封一等毅勇侯。其秉性之忠。學術之正。悉在聖明洞鑒之中。無俟微臣之颺纓。其歷年戰功政績。又有督臣自具奏報。及創定湘營。營制營規。水師。馬隊。各章程。內而咨存樞府。外而傳布各省。亦無俟微臣之表彰。此次因病出缺。想聖主篤念蓋臣。凡賜勳飾終之典。自必遲荷恩施。亦無需微臣之籲告。臣之所不能已於言者。臣與會國藩相從日久。相知頗深。灼見其立功之偉。胥本於進德之勤。其生平盡瘁報國。克己省身。器識過人。堅

貞自矢。不特今世所罕觀。卽方之古賢臣。蓋亦未遑多讓。請敬爲聖主陳之。咸豐之初。會國藩以在籍侍郎。練團殺賊。無尺寸之土地。無眉嶺之餉源。餉之巨者。丁漕關稅。而贖在軍旅。不敢越俎以代謀。餉之細者。勸捐抽釐。而身爲客官。州縣既不肯奉行。百姓亦終難見信。竊條募勇。又不得照綠營之例。拔補實缺。空有保舉之名。而無履任之實。名器不屬。徵購尤難。方其初敗於岳州。再挫於九江。兵幾不振。窮且益堅。迨江西困厄之時。事勢非順。動多觸忤。一錢一粟。非苦心經營。則不能得。一弁一勇。非苦口訓誡。則不能戰。於困苦難堪之中。立堅忍不拔之志。卒能練成勁旅。削平逆寇。上慰先帝在天之靈。輔佐聖世中興之業。雖曰疢疾可以成德術。動忍可以增智能。而艱難創造之初。固不敢自料有今日也。逮咸豐十年。初膺江督。進駐祁門。正值蘇常浙陷。浙省再淪。皖南皖北。十室九空。人煙稀少。軍餉則半截難求。轉運則一夫難僱。自金陵以至蘇州。八百餘里。無虞無賊。無日無戰。徽州之方陷也。休祁大震。江楚皆驚。或勸移營江西省城。以保餉源。或勸移營江千州縣。以通糧路。而仍不出江督轄境。會國藩曰。「吾初次進兵。遇險卽退。後事何可言。吾去此一步。無死所也。」羣賊既至。盡夜環攻。飛礮雨集。會國藩手書遺囑。擬懸佩刀。猶復從容布置。不改常度。死守餘旬。直待餉超率。羣軍自山外來。始得以一戰驅賊出嶽。以十餘載積蓄之狂寇。會

國藩授鎮四年。次第蕩平。皆以邪門初基不柱。有以塞
驗。而壯土氣也。咸豐十一年八月。克復安慶。同治元
年。水陸兩軍。並江而下。沿江兩岸。三千里名城要隘。皆
爲我有。其弟會國荃。統得勝之師。直抵雨花臺。以瞰金
陵。左宗棠統楚軍以達浙境。李鴻章統淮軍以達滬上。
皆能深入虎穴。捷報頻聞。夏秋之間。兵機遂大順矣。乃
攻勦甫利。而疾疫流行。自上蕪湖。下至上海。無營不病。
不但守壘無勇。對於炊爨無夫。揚岳斌會國荃飽超諸
統將。各抱重病。昔之勁兵。胥變辱卒。蘇浙賊會。方以比
時大舉以援金陵。圍攻雨花臺。四十六晝夜。更番不歇。
南岸則寧國旌德同時吃緊。北岸則穎宿蒙亳捻匪出
巢。正陽壽州苗逆復叛。髮賊又由江浦上竄。餘和巢合。
亦復岌岌可危。數年以來。辛苦戰爭之土地。由尺寸而
擴至數百里者。深恐一旦潰裂。盡隳前功。援浙救蘇保
紅三者。又須兼顧。時危事亟。軍情反覆。異議環生。有謂
金陵進兵太早。必至師老餉竭者。有謂宜據金陵之圍。
以退各路援賊者。會國藩於羣言淆亂之時。有三軍不
奪之志。枕戈臥薪。堅忍卓絕。卒能以寡禦衆。出死入生。
迨事機大定之後。語家友曰。「昔人嘗言憂能傷人。吾
此數月心膽俱碎矣。幸賴國家補福。得以不死。」然則
今日之一病不起。蓋其精力爲已瘁矣。會國藩戰勝之
機。指不勝屈。惟此數年坎坷艱辛。當成敗絕續之交。持
孤注以爭命。當危疑震盪之際。每百折而不回。蓋其所

樂哀錄 奏疏

志所學。不以死生常變易也。古之名臣。謀國放處。惟以
人事君爲念。會國藩昔官京朝。卽已留心人物。出事戎
軒。尤勤訪察。雖一材一藝。罔不甄錄。而又多方造就。以
成其材。其歷年薦達。與平日忠義相切劘者。如江忠源
羅澤南李續賓劉騰鴻。死於戰陣。塔齊布李續宜蕭捷
三江忠義死於勤勞。皆已載諸史冊。其幕府賓僚。偏裨
卒伍。由書生而涖歷疆圻。由未職而涖膺重鎮。無愧哉
亂之選。亦錄錄在人耳目。無待臣言。其苦心孤詣。使兵
事歷久而不敗。人材愈久而不窮者。則在以湘勇之短
棧。推行於淮北。饒泗剛勁之風。爲國家干城之用。臣遠
稽史籍。唐之李郭。亦僅收復兩京。宋之韓范。亦僅經略
西夏一隅耳。我朝武功之盛。超軼前代。屢次蕪定大難。
然如嘉慶川楚之役。蹂躪不過四省。康熙三藩之役。蹂
躪止及十二省。今髮捻回教諸匪。蹂躪竟及十七省。用
兵已滿二十年。若專恃湘楚一軍與之角逐。而無淮軍
繼起於其間。亦豈能南北分兵。次第削平禍亂。是其公
忠偉略。推賢讓功。和衷共濟。尤足多者。臣昔在軍中。每
聞談及安慶收復之事。輒推功於胡林翼之籌謀。多歷
阿之苦戰。其後金陵克復。則又推功諸將。而無一語及
其弟國荃。談及僧親王剿捻之時。習勞耐苦。輒自謂十
分不及一二。談及李鴻章左宗棠一時輩流。非言自問
不及。則曰謀略不如。往往形之表牘。見之函札。非臣一
人之私言也。當江皖糜爛之際。實仕宦所謂畏途。會國

議不辭選拔知兵之員。隨時候奏。以期同濟艱難。厥後大功底定。前服承平。朝廷延訪勝勳。猶復屢奉諭旨。令保封疆將帥。會國藩則奏稱。一疆吏既有征伐之權。不啻更分勳陟之柄。宜防外重內輕之漸。兼杜植黨樹私之端。一其小心遠慮若此。宜其立功之後不自矜伐也。會國藩自督師以來。即有不期生靈之志。是以經歷危險。屹然不可搖撼。精誠之至。部曲化之。手足化之。故湘軍陣亡文武官兵。可以披靡而稽者。多至萬餘人。咸豐八年。三河之戰。其胞弟會國華隨李續賓以單騎衝賊死。同治元年。雨花臺之戰。其胞弟會貞幹於賊退數日。勞疾而死。可謂一門忠義矣。而與諸弟共在軍中。任事則督之爭先。論功則率之居後。蓋深見乎功名之際。終始之難。常以位高於衆。權重於人。獲大名不祥之懼。故遭非常之知遇。彌切爾位之靖共。其平日辦事不分畛域。江皖蘇浙兩湖之兵事。聯為一氣。兩江糧臺之軍火輸糧。又不惜接濟鄰省。分應他軍。而於節制四省節制三省之命。則堅不致屈。不憚一再陳情。期於得請而後已。蓋時念及報稱之難。不敢恃恩德之厚也。其本身清儉。一如寒素。官中糜俸。盡舉以充官中之用。未嘗置屋一廛。增田一區。躡食菲衣。自甘淡薄。每食不得過四盞。男女婚嫁。不得過二百金。垂為家訓。有唐揚雄宋李沆之遺風。而鄰軍困窮。災民饑饉。與夫地方應辦之事。則不惜以俸俸之贏餘。助公用之不給。臣在皖時。固恐知

之。其立身平實。不求立異。守之甚嚴。而持之有恆者。一日不離語。二日不晏起。朝端之奏報。僚屬之咨札。親友之函牘。就臣所見。固未嘗有敷衍矣。即外撫遠人。內取降將。亦必推誠布公。言皆實實。中外遠近。皆有以信其為人之不苟。在軍在官。夙夜未嘗少懈。雖風瀟雨晦。疾病憂鬱之時。率以雞鳴而起。夜分始息。蓋數十年如一日也。晚年不服珍藥。未嘗有臥病倚衾之日。前在兩江任內。討究文書。條理精密。無不手訂之章程。無不點竄之批牘。惟有舌蹇心悸之症。不能多見僚屬。前年回任。感激聖恩。尚厚。仍令坐鎮東南。自謂稍即息安。負疚微重。公餘無客不見。見必博訪周諮。殷勤調屬於僚屬之賢否。事理之源委。無一不默識於心。人皆服其老年進德之勤。其勉力在此。其致病亦在此。上年閱兵回省。適臣行抵金陵。見其體貌尙如往年。而會國藩自言精力大衰。右目昏曠。臣與晤談數次。議論公事。娓娓不倦。會勸以節勞省神為國自愛。不意相晤未及兩月。遽病不起。實由平日事無鉅細。必躬必親。殫精竭慮所致。兩江官紳士庶。聞其遽逝。無不同聲大恸。則其功德及民。不可泯也。合行仰懇天恩。准於江南省城建立專祠。並飭於所在立功省分。一體建祠。以彰志蓋。並祈將臣奏章宣付史官。以備采擇。現在督臣身後之事。已經藩司梅啓照等。會同伊子會紀傑。委為經理。查督臣有子二人。長卽戶部員外郎會紀輝。次附貢生會紀燦。孫三人。均

均皆隨侍任所。所有兩江總督衙門日行公事。除由臣
暫委梅啓照代拆代行外。所遺兩江總督員缺緊要。相
應請旨迅賜簡放。以重職守。理合將接據督臣因病出
缺緣由。並將其歷年賢勞實蹟。附陳恭摺。由驛五百里
馳奏。伏乞皇太后皇上聖鑒訓示。謹奏。

安徽巡撫請建祠疏

天子少保安徽巡撫奴才英翰跪奏。為督臣勳勞卓著
輿情愛戴同深。籲懇天恩。俯准建立專利。以彰忠蓋。恭
摺奏祈聖鑒事。竊兩江督臣會國藩。因病出缺。荷蒙聖
慈。篤念蓋臣。逾格矜卹。隆施曠典。業已至優極盛。原非
臣下所敢再瀆。即該督臣平時武功政事。立品植學。諸
大端。仰荷天誥之褒嘉。更有史館之撰述。久已宣布遐
邇。遠近周知。且會國藩綏靖南疆。奴才正轉戰淮北。雖
係院中屬僚。時承指示。然未得一日相從。一切事蹟。亦
無待奴才為備述。惟是會國藩督師幾二十年。蕩平數
省。用兵以在院為最久。功績亦以在院為最多。當其由
江鄂轉戰而前。正值髮逆披猖。接連一片。江淮南北。幾
無完土。會國藩勵兵選將。推賢讓能。百折不回。堅忍不
拔。先平皖南。繼克安慶。旋復廬州。推廳以南。大江上下。
同時底定。僧格林沁大軍。得以專力蕩平北路。無南顧
之虞。會國藩李鴻章左宗棠等。因而分道並進。肅清江
浙。克復金陵。殄除巨寇。是以論者僉謂克復安慶一役。
不特為平定金陵之基。亦實為南北廓清一大關鍵。安

樂哀錄 奏疏

慶克復後。會國藩督軍駐紮。整吏治。撫蒼痍。培元氣。訓
屬僚。若師弟。視百姓如家人。生聚教養。百廢具舉。閩閩
廬社席之安。父老忘亂華之苦。如是者又數年。迨至同
治五六年間。奴才帶兵剿捻。會國藩駐軍徐州。每有書
問院事。滄諄諄以安民察吏為要務。至今院中一切措
施。遵其規畫。院民之安堵。實皆會國藩所留胎。故一聞
督臣出缺之信。士民奔走。婦孺感泣。爭赴奴才衙門。懇
請奏建專利。以崇報饗。同聲籲懇。實出愛戴之誠。伏思
督臣中興戰績。列在簡冊。固可媲美古人。即以遺愛而
言。則自昔疆臣錫虢于成龍而後。亦未有若此感人之
深者。在朝廷褒功之厚。固已廣被無遺。而在院民尸視
之誠。又未敢壅於上達。可否仰懇天恩。俯准於安慶省
城建立專利。以順輿情。而彰忠蓋。出自鴻慈。至該督臣
立功省分甚多。可否一併建利之處。恭候聖裁。奴才未
敢再為瀆請。所有督臣勳勞卓著。據情籲請名緣由。謹
恭摺具陳。伏乞皇太后皇上聖鑒訓示。謹奏。

湖廣總督請建祠疏

頭品頂戴湖廣總督臣李瀚章跪奏。為故大學士功德
在民。請於湖北省城建立專利。並補陳賢勞實蹟。仰祈
聖鑒事。竊臣恭讀本年二月十二日上諭。「大學士兩
江總督會國藩學問納粹。器識宏深。秉性忠誠。持躬精
正。著追贈太傅。照大學士例。賜卹賞銀三千兩治喪。賜
祭一壇。加恩予諡『文正』。」入祀京師昭忠祠賢良祠。

並於湖南原籍江寧省城建立專祠。其生平政績事實。宣付史館。」等因欽此。仰見聖主篤念忠良之至意。無任欽感。又准署兩江督臣何璟咨送摺稿到臣。所陳會國藩勞績。並其立身行政諸大端。均甚切當。其彼咸豐十年以後軍情。亦極詳明。惟自咸豐初年創立水陸二軍。率以東征。及歷年在鄂在江。艱危拮据情形。尙有未盡。蓋何璟與會國藩共事在咸豐十年以後。聞見有所未詳。其勢然也。臣於咸豐三年署峽化縣任內。經會國藩檄調從軍。前後近十年。知之較悉。欽奉諭旨。將其政蹟事實。宣付史館。則採擇不厭周詳。蓋再爲我皇上補陳之。咸豐二年。會國藩典試江西。行入江境。聞計丁母憂回籍。時長沙解圍未久。武漢總失。土匪蜂起。兵勇陸續遁境。強擄民船。所在劫掠。會國藩奉旨督辦團防。查匪事宜。因時局艱難。義不容已。而奮精視事。又非其所安。比經奏明將來無論建立何項功績。均不敢仰邀議敘。及抵長沙。立率擄船游勇。梟示河干。殲殺鄰國族團執照。凡從賊勾執各匪。責成團總戶族捆送。前後擒斬數百餘人。自後賊屢犯湖。各屬匪徒。無敢應者。皆其先機能斷之效也。由是延訪人才。拔羅澤南王鑫李續賓張運蘭等。使練陸勇。拔彭玉麟楊岳斌黃翼升鮑超等。使練水勇。又以綠營廢弛。奏參長沙協副將蔣德。特保儲擊塔齊布。且云塔齊布將來如打仗不力。臣甘與同罪。塔齊布等均感激思奮。力戰成名。皆其知人善任之

效也。咸豐三年。賊圍江西。會國藩命羅澤南等赴援。解圍後。函兩江總源。奏請創立水師。爲三省會勦。是年冬。親赴衡州。督造戰船。經費無出。惟以忠義激勵人心。勸捐濟用。四年二月。統率水陸兵勇六千人。行抵長沙。賊已由岳州竄陷湘陰寧鄉。會國藩派營擊退。追剿至岳州。會王鑫挫於蒲圻。岳州再失。賊仍由寧鄉竄陷湘潭。其時長沙西南北三面數十里外。賊蹤遍野。省城危急。會國藩令塔齊布率陸勇。彭玉麟楊岳斌率水師。上勦湘潭。而親率水師二營。陸勇一營。下勦靖港。四月初二日。靖港戰敗。會國藩自怨調度無方。投水三次。募客勦兵力救乃免。四月初五日。湘潭克復。盡焚賊舟。乃自劫靖港之失。疏請治罪。不以湘潭同時大捷。稍自寬飾也。七月。整軍東下。克復岳州。廣東總兵陳澤龍水師。於城樓機。褚汝航等死之。會國藩堅持不動。閏七月。塔齊布羅澤南擊敗陸賊。轉戰而前。八月二十三日。攻克武昌。十月十三日。大破田家鎮。戰績均詳奏稿。十二月。水師破湖口賊卡。衝入鄱陽湖。盡焚賊艦。而老營之紮九江對岸者。被賊用小舟襲焚。事機危急。會國藩慨然曰。「大臣不可辱。」復欲投水。幕客湖兵強按渡紅。夜入羅澤南軍中。五年正月。入紅西。重整水陸各軍。賊自北岸上竄。武僕再陷。方其在紅西也。以客軍當敗挫之餘。呼應不靈。動多觸忤。會有三難之奏。然一聞賊陷弋陽廣信。卽命羅澤南等力戰復之。七月攻克義寧。又分

攻湖口。會塔齊布卒於九江。鄂事日急。復令羅澤南等赴援。與胡林翼會攻武昌。以全大局。是年冬。鎭首石達開自崇通陷瓊臨。另股賊自廣東來會。江西八府五十餘州縣。皆論於賊。湖南文報不通。乃分九江之軍。以援吉安。而自率州師。回駐省河。官民倚以爲固。六年春。吉安失守。周鳳山失利。樟樹嶺。其分攻撫建者。皆不能下。時餉源罄竭。將援轉戰。軍無怨言。皆會國藩忠誠所感也。是年七月。胡林翼派會國藩劉騰瑞等授江西。進攻瓊州。賊乘軍派劉長佑等進攻袁州。派會國藩進攻吉安。湖南之路始通。會撫州陸營失利。乃令移駐貴溪。以保浙東一線之餉路。七年三月。會國藩丁父憂回籍。八年夏。復奉命統軍援浙。其時瑞陽謀建。皆經湘軍克復。八月。會國藩克吉安。會國藩擬自建昌入浙。九年。移駐撫州。攻克景德鎮。旋奉入川之命。中途經官文胡林翼奏請改而援皖。駐宿松。克太湖。戰績均詳奏牒。至十年四月。請授江督。充欽差大臣。以後事蹟。何璟所陳甚詳。臣亦由讀兩道奏詞廣東籌餉矣。竊維會國藩識力之堅毅。志慮之忠純。持躬之謹慎。久在聖鑒之中。豈待微臣陳述。惟自後艱危持捱情形。有非奏報所能詳者。似不妨合兩摺以備史館之採擇也。臣聞會國藩初入翰林。即與改大學士倭仁。大常寺卿唐鑑。贊寧道何桂珍。講明程朱之學。克己省身。得力有自。遭值時艱。毅然以天下自任。忘身忘家。置死生禍福得喪窮通於度外。其

樂哀錄 奏疏

大端則在以人事爲。晉接士類。能決其人之賢否。推誠布公。不假權術。故人皆樂爲之用。其過人之識力。在能堅持定見。不爲浮論所搖。進攻安慶江寧。則兼三賊進兵之勳。剿辦捻匪。則建四面圍擊之議。其後成功。不外乎此。所創水師。尤能制賊死命。蓋賊自湖南竄踞金陵。盡掠沿江船隻。乘風日肆數百里。驟忽無常。賴江各郡縣。一日數驚。自會國藩水師東下。扼駐一處。即能保全一處。當武漢再陷時。胡林翼以孤軍困守城下。而賊船不敢上。越金口一步。漢鎮貿易。均移至新堤。籌辦鹽釐捐輸。藉濟軍餉。胡林翼屢次奏稱。會國藩創立水師。其功甚大。蓋身在事中。故能言之深切。其後會國藩遣羅澤南。馳援武昌。惟時江西四面皆賊。且夕不能自保。祇以通籌天下大勢。非力爭上游。則金陵無可規復之理。是以自留江西。支持危局。而特遣勁旅。進攻武昌。此其深識遠略。公爾忘私。尤有古人所不能及者。是會國藩底定東南之功。尤以經營武昌爲一大關鍵。查羅澤南李續賓胡林翼官文。均經奉旨於湖北建立專祠。現在鄂中士民。聞會國藩蒞逝。莫不咨嗟感慕。籲請建祠。以崇報享。相應請旨敕建會國藩專祠於湖北省城。以順輿情。而彰志蓋。所有請建專祠。並補陳賢勞實蹟。以備史館採擇各緣由。謹會同湖北撫臣郭柏蔭恭摺具陳。伏乞皇太后皇上聖鑒訓示。謹奏。

江西巡撫請建祠疏

二九

顯品賈素江西巡撫臣劉坤一跪奏為紳民呈請建立已故督臣專祠恭摺仰祈聖鑒事竊臣接據在籍三品京堂銜翰林院修撰劉舞等呈稱江西用兵十數年錢軍勇相犄角始終原任大學士兩江總督臣會國藩之保衛江西亦相為始終咸豐三年賊圍江西省城守兵已據軍陣而上游泰和縣土匪乘機起事暗與髮逆勾通勢殊岌岌幸得會國藩由湖南派遲譚南等各營來援撲滅泰和之匪省城髮逆勢孤隨亦解圍而遁四年會國藩克復武昌旋率得勝之師順流而下分攻九江湖口各軍失利身顛於危五年以次進駐南康南昌分遣諸將規復廣信弋陽義寧等處人心倚以為固會逆會石建開賴裕新胡以冕等大股竄入江西復有另股自廣東來合而會國藩得力之將羅澤南等又先派援湖北賊乘我寡致江西八府五十餘州縣先後淪陷惟時餉源已竭士氣不揚會國藩內則籌給餉軍以支危局外則乞師鄰省以通汪氣其拮据之狀堅忍之操士民共見共聞至今念之莫不踴躍六年湖南湖北各派楚師分道入援其耆州一路則其胞弟會國華也吉安一路則其胞弟會國荃也此外諸將如劉長裕等皆會國藩素所籌拔之人會國藩以援師大集會同撫臣左提右掎指授機宜並派李元度等駐紮貴溪以通浙東餉道由是諸軍飽騰用命所向有功六七八三年中途收全省肅清之效九年會國藩提師援浙繪先分兵攻

克得樂縣景德鎮地方迨後攻安慶下金陵每聞江西風鶴之驚輒即派兵馳回援剿同治三年逆會李世賢陳炳文汪海甸等率眾數十萬由贛竄入江西蘇常餘氣亦接踵而至撫建等府遍地皆有賊蹤人情徇徇懼蹈咸豐五年覆轍時會國藩駐師皖境飛調總起全軍赴援羽檄頻催急於星火飽超兼程而進遂大戰於許灣皖儘已逾三時擒斬實以萬計該逆士崩瓦解隨即遁往廣東安危利鈍之幾間不容髮四年髮逆蕩平亦深資義軍越勦窮追之力紅境得以解嚴會國藩之有功於江西如此至於接引士類識拔人才裁減了槽崇帥黎庶一切善政不可殫述夫感戴節終朝廷已極優渥而感恩戴德輿情願奉馨香公懇奏請於江西省城建立專祠俾士民得伸報享之誠等情前來臣查立功紅省各員如前安徽巡撫紅志源前江西巡撫張芾等八人均經奉旨於省城分建專祠今督臣會國藩歷年保衛江西厥功尤偉士民追慕不忘可否仰懇天恩俯如該紳等所請准於江西省城建立專祠以慰輿情而彰忠藎理合恭摺具奏伏乞皇太后皇上聖鑒訓示謹奏軍機大臣奉旨著照所請該部知道欽此

直隸總督請建祠天津疏

太子大保大學士直隸總督一等伯臣李鴻章跪奏為律郡紳民籲懇建立已故督臣會國藩專祠恭摺仰祈聖鑒事竊據天津道丁壽昌天津府知府馬毓武等詳

補原任大學士兩江總督臣會國藩久任東南勤勞懇
著同治八年調任直隸正議欽匪擾之後地方彫敝下
車伊始即以治河練兵飭吏三大端爲務次第舉行民
賴以安天津爲諸河下梢海疆要地利尤尤多辦理中
外交涉事件顧全大局至今咸鑒其苦衷他如指訟獄
減徭役勸農桑嚴緝影之刑祛鹽務之弊凡有裨於國
計民生無不盡心經營實力與辦委屬有功於民據紳
士沈兆輝等聯名籲懇於津郡擇地建立專祠以資報
饗由該道府轉詳請奏聲明所需經費另行集捐等情
前來臣查會國藩前於兩江總督任內因病出缺屢荷
恩施至優極渥並准於立功省分一體建祠仰見聖主
眷念蓋臣有加無已欽感同深其在直隸幾及兩年政
績實多可傳今津郡紳民追念舊德籲懇祠祀出於至
誠相應仰懇天恩俯賜照准以順輿情理合恭摺具陳
伏乞皇上聖鑒訓示謹奏 軍機大臣奉旨著照所請
該部知道欽此

直隸總督請建祠保定疏

太子太保大學士直隸總督一等伯臣李鴻章跪奏爲
已故督臣遺愛在民據情奏懇恩准建立專祠崇祀名
宦恭摺仰祈聖鑒事竊據藩司孫觀臬司范梁清河道
葉伯英會詳據保定府紳士賀錫福等稟稱原任大學
士兩江總督會國藩自同治七年調任直隸時值捻氛
甫靖該督臣苦心經理歷敘官方漕賢清試選將練兵

與舉水利賑恤災荒善政班班不可殫述前津郡廉清
建祠業蒙奏准省城爲首善之區士民愛戴尤深籲懇
捐建專祠春秋致祭並據直省紳耆進士王振綱翰林
院庶吉士辛家彥等公呈請將前督臣會國藩崇祀省
城名宦祠名等情請奏前來臣查該故督臣調任畿輔
兩年舉賢任能吏治爲之肅肅他如治河練兵次第籌
辦皆有成效於地方利弊切實講求綱紀漸立廉潔具
修其在任時肅理通省訟獄積案數萬件去任後籌助
天河水災賑銀二十萬兩尤爲人所難能功績在民久
而弗替既據合詞環請出於至誠相應據情籲懇天恩
准於保定省城由該紳士等捐建前督臣會國藩專祠
由地方官春秋致祭並准捐祀省城名宦祠以順輿情
而彰德蓋理合恭摺具奏伏乞皇太后皇上聖鑒訓示
謹奏 軍機大臣奉旨著照所請該部知道欽此

神道碑

皇清諸授光祿大夫贈太傅武英殿大學士兩江
總督一等毅勇侯會文正公神道碑

聖清受命二百年有相日會公始以儒業事宣宗皇帝
入翰林七遷而爲禮部侍郎文宗御極正色直諫多大
臣之言咸豐二年以母憂歸湘鄉起程鄉兵討賊自宣
宗時天下乂安內外備備於是西紳始通中國海上多
事未幾而廣西羣盜起大亂以與及比年放兵東出攻

長沙不克。遂據洞庭。陷武昌。循江而下。所逼摧靡。而是時天下兵大抵憤慮。惟性不可復用。諸老將盡死。爲吏者不習戰陣。公既歸。天子詔公治團練長沙。公曰。金革之事。其敢有避。因奏言。團練不食於官。緩急不可恃。請就其鄉團丁千人。募爲勇營。教以兵法。東伍練技。曩曰。湘軍。湘軍之名。自此始。明年益募人三千。解南昌之圍。是時賊已陷金陵。難之。掠民艘巨萬。縱橫大江中。於是議創舟師。制船鑄礮。選將練卒。教習水戰。天子嘉之。湘軍水師由此起矣。四年。成軍東討。初戰。再失利。未幾。大捷湘潭。以師不全。上疏自劾。已而克岳州。下武昌。大破田家鎮。斷橫江鐵鎖。乘勝圍九江。進規湖口。當是時。湘軍威名震天下。會水師陷入彭蠡湖。鄂師喪師。武昌再失。公曰。武昌據長江上游。必爭之地也。急檄湖北按察使胡公林翼。率偏師西援。不克。則悉銳師繼之。而自留江西督攻九江。已而悍賊石達開等。分道犯江西。被鄂縣六十餘城。公上疏自劾。卒以孤軍堅拒死守。賊不得逞。六年。胡公等復武昌。明年。拔九江。軍威復振。公治軍謀定後動。折而不撓。堅如金石。重如山岳。諸將化之。雖薄公遠出。皆遵守約束不變。自九江未拔。諸軍已略定江西郡縣矣。公以父憂歸。累詔起復。視師不出。既逾小祥。始奉命援浙江。是時公軍爲天下勳旅。四方有警。爭乞公赴援。南則浙閩。西則蜀楚。北則淮甸。皆遙恃公軍爲固。慮旌旗他指。天子亦屢詔公規畫全

勢。視緩急輕重去就之。公曰。謀金陵者必據上游。法當舍枝葉圖本根。一發建議。三道規皖。咸豐十年。蘇浙淪陷。朝廷憂之。以公總制江南。趨詔公東兵。而公卒不棄皖。以失上游。是年西夷內犯。定和議。十一年。公克安慶。今上同治元年正月元日。授公協辦大學士。於是分道出師。大舉東下。公弟浙江巡撫圖基。以湘軍綠大紅薄金陵。今陝甘總督左公宗棠。以楚軍抵甯州。援浙江。鴻章以淮軍出上海。張蘇常。水師中紅而下。爲陸軍聲援。三年。蘇浙以次戡定。而公弟等亦攻拔金陵。僞都。自公初出師。至是十有三年。專職平。東南大定。論功封一等毅勇侯。開國以來。文臣封侯。自公始。公既平定江南。威振方夏。名聞外國。會忠親王僧格林沁戰歿於曹。廷議以公北討流寇。是時公所部湘軍。皆已散歸。經畫歲餘。功緒漸彰。會疾作。有詔遣鎮江南。中外大事。皆就決之。公所謀議。思慮深遠。進規中原。議築長轡。以割流寇。策西事。議清甘肅。而後出關。籌旗黔。以蜀湘兩省爲根本。皆初立一議。數年之後。事之成否。卒如其說。而叔勇爲尤著云。初咸豐三年。金陵始陷。米利堅人嘗謁江南帥。願以夷兵助戰。十一年和議既成。俄羅斯米利堅皆請以兵來助。公議以爲宜嘉其效順。而撥其師期。及同治元年。英吉利法蘭西又以爲請。公又議以爲宜申大義以謝之。陳利害以勸之。皆報可。廷議購夷船。公力贊之。比船至。欲用夷將。則議緩其事。其後自募工。寫夷

船之制。近似之。蓋論開局製造。自是外洋機器輪舟。中國頗得其要領矣。六年。詔中外大臣。籌和議利害。可許不可許。公議以爲其爭彼我之虛。儻者許之。其奪吾民之生計者。勿許也。移直隸總督。天津民有擊殺法蘭西領事官者。法人訟之。天子慰解之。法人固爭。有詔備兵以待。公曰。百姓小忿。不足釁邊釁。一從之。而籌議儲將練兵。設方略甚備。先是公已積勞成疾。至是疾益劇。會江南關帥。上念南學取夷事任絕重。非公不可。遂命還江南臥治之。至則經營遠略。益勤。既一年。疾甚。同治十一年二月戊午。遂歸於位。官至武英殿大學士。享年六十有二。遺疏入。天子震悼。博賜有加。贈太傅。諡「文正」。公諱某。字餘生。世爲湖南湘鄉人。會祖竟。希。祖玉屏。父縣學生麟書。三世皆以公貴。封光祿大夫。會祖妣彭氏。祖妣王氏。妣江氏。皆封一品夫人。夫人衛陽歐陽氏。生男二人。紀澤應生。戶部員外郎。錫爵爲侯。紀補附貢生。孫三人。廣鈞。廣銓。廣銓。皆幼。公既薨。紀補廣鈞皆賜舉人。廣銓。賜員外郎。廣銓。賜主事。女五人。皆適士族。公爲學研究義理。精通訓詁。爲文。效法韓歐。而翰益之。以漢賦之氣體。其學問宗旨。以禮爲歸。嘗曰。「古無所謂經世之學也。學禮而已。」於古今聖哲。自文周孔孟。下逮國朝顧炎武。秦蕙田。姚鼐。王念孫。諸儒。取三十有二人。圖其像而師事之。自文章政事外。大抵皆禮家言。嘗謂。「聖人者。自天地萬物推極之至。一室米

榮哀錄 神道碑

鹽。無不條而理之。」又嘗擬古禮殘缺。無軍禮。軍禮。要自有專篇。額曰。如威敬元氏所紀者。若公所定。營制。營規。博稽古法。辨等明威。其於軍禮。庶幾近之。至其論議規畫。秩序。井井。經緯。乎甚。屢。謂禮乎鉅細。其素所蘊蓄。然也。喪歸。湘南。營葬於奎化縣某鄉。塋。少從公問學。又相從於軍旅。與聞公謀國之大者。乃爲文。刻其墓道之碑。銘曰。於欒皇清。世載聖武。萬夷震懼。匪臣伊主。歷載二百。極熾而屯。孰排其紛。厥維宗臣。功與時會。其成則天。惟公之興。事乃異前。固有舊旅。雲屯星羅。公曰。歲矣。伏之則那。率我萌穉。敵愾同仇。舍其鉏耰。來事戈矛。厥初孤立。百挫不攝。天日可格。鬼神爲位。持己所學。陶鑄羣倫。暨培燠權。爲國得人。孰任鉅艱。刊印使帥。孰以節死。孰成孰敗。伏之於微。卒驗不爽。朝廷乏人。取之公旁。始詔求賢。紅以薦起。繼才胡公。勝己十倍。陸軍諸將。首塔羅王。二李繼之。水則彭揚。皆公所識。拔於風塵。知人之鑑。並世無倫。萬衆一心。賞紅食鼎。終奠九土。殫此在隴。事已大畢。乃謀於梅。益我之長。奪彼所恃。動如雷震。靜守其雄。內國自強。外羈虜之。默運方寸。極九萬里。人謂公怯。曰。吾獨矣。式蛙嘗膽。以生以訓。大勛宜就。胡棄而隕。道光季世。夷始。恩我。內患乘之。燎原觀火。彼睨吾旁。雌雄首尾。曰。敵可乘。附耳同起。夷誓其外。寇訖其內。不有我公。唾甚矣。應。維昔相臣。佐治以文。武功之威。則由聖人。留都開基。三藩定變。新疆外拓。川楚內奠。四

與奔走唯恐在後。皆秉聖議。羣臣拱手。公起詞臣。以安以讓。天子虛己。曰。汝予臣。相業之隆。近古無有。開國成務。是謂不朽。退之有言。衡為嶽宗。扶輿磅礴。鬱積必鍾。後千百年。降神堯堯。我銘不誣。以配崑高。詔授光祿大夫。太子太保。武英殿大學士。直隸總督。一等肅毅伯。兼鑾轡副世職。門下士李鴻章頓首拜頌。

墓志銘

皇清諸授光祿大夫贈太傅武英殿大學士兩江總督一等毅勇侯曾文正公墓志銘

同治十有一年二月。武英殿大學士總督兩江會公薨於位。天子震悼。加贈太傅。諡「文正」。命儒臣議賜祭文。墓碑以葬。公。子紀澤紀煥。以銘墓之文屬之劉公蔭。未及葬。而劉公薨。檢其遺書。得所為銘辭。而前敘闕焉。又明年。卜葬。翁化縣之平塘伏龍山。葬有日。而夫人歐陽氏薨。遂即其地。稍葬。於是尚養歸位。承劉公之意。而後之。公諱國藩。字伯強。號餘生。湘鄉人。咸豐初。患發廣西。一兩之地。所至糜爛。盜踞金陵。十四年。盡降紅旗兩省地。披而有之。公以侍郎奉母喪歸。起鄉里討賊。奮其佔畢之儒。組纒之民。暨長紅萬里。蹙賊路之天下。復親又安。民用蘇息。已而合肥李公平。拾強於兩津。湘陰左公。殲回亂於關隴。皆用公薦擢。席其遺規。遂蕩成功。於是紅以南播亂尤甚。公再督兩江。噓枯藁。煦孺羣萌。

孤養有養。儒宿有歸。漸靡停頓。納之大和。故公功在天。下。而江南之於公。若引之以為己私。公始為翰林。窮極程朱性道之蘊。博考名物。熟精禮典。以為聖人經世宰物。綱維萬事。無他。禮而已矣。儻風可使之醇。敝俗可使之興。而其精微具存於古聖賢之文章。故其為學。因文以證道。常言「韜道者身也。而致遠者文。天地民物之大。典章制度之繁。惟文能達而傳之。悅焉日有華華。以求信於心。而當於古。」其平居抗心希古。以美教化育人才。為己任。而尤以知人名天下。一見能辨其才之高下。與其入賢否。滿洲塔齊布公。新寧紅公。忠脈。銜陽彭公。玉麟。翁化楊公。岳斌。或從未弁及諸生裝。拔為名臣。其於左公宗棠。趣向不同。而奇左公智術。以公義相取。左公亦以顯名天下。片長薄技。受公一顧。爭自琢磨砥礪。敦尚名節。在軍必立事功。在官為循吏。曰「吾不忍負會公。」而公歛退虛拘。勤求己過。日夜憂危。如不克勝。自初仕及當天下重任。始終一節。未嘗有所寬假。及其臨大敵。定大難。從容審顧。徐階之安。一無疑懼。此公道德勛名。被於天下。施之萬世。而其意量之闊。察。終莫得而盡其用。而窺其藏也。公以戊戌科進士。改翰林。林蔭。麻吉士。又明年。授檢討。五轉至禮部侍郎。文宗即位。詔求直言。公疏陳本原。至計。天下驚歎。以為唐宋名臣所不及。真誠江西。未至。丁母憂。會廣西賊圍長沙。奉命幫辦湖南圍剿。治軍長沙。又治水師衡州。武昌再陷。命公

督師東征。再克之。轉戰江西。丁父憂歸。上初即位。授大
學士。總督兩江。節制四省。而公弟太子少保威毅伯國
基。以一軍特起。克復金陵。天子嘉勞。錫公一等毅勇侯。
晉太子大保。旋調直隸總督。復調兩江。公生於嘉慶十
六年辛未歲十月十一日。薨於同治十一年壬申歲三
月初四日。年六十有二。會祖克希。祖玉屏。父麟書。自公
祖若父。皆名儒善書。及見公爲侍郎。受封光祿大夫。天
下榮之。配歐陽夫人。衡陽縣貢生凝祉之女。勤儉有禮
法。恩周於人。行勤於家。自文正公在軍。夫人嘗蔬食夜
蔬告天。乞早舒生民之福。助成大功。越天子憂勞。以同
治十有三年八月十三日薨。年五十有九。子紀澤。戶部
員外郎。襲封一等毅勇侯。紀福。賞給舉人。女五人。一適
袁氏。江蘇松江府知府芳球之子。秉楨。一適陳氏。安徽
池州府知府源堯之子。兆升。一適員外郎郭剛基。嵩燾
之冢子也。一字聶氏。廣東候補道爾康之子。錫勳。孫四
人。廣鈞舉人。廣錕六部員外郎。廣鏞六部主事。年皆幼。
朝廷推恩賞官有差。廣鏞公薨後生。公識量恢闊。望而
知其偉人。生平趨舍是非。求信諸心。不與人爲去就。而
精鑿微蘊。一言一事。研覈無遺。尤務規其大。而見其遠。
始出治軍討賊。以東南大勢在江險。不宜盡馳與賊力。
請以水師自效。及爲欽差大臣。建三路進攻。以規江浙
兩省之議。討捻逆。河南建合四省之力。蹙賊一隅之議。

梁哀錄 墓志銘

皆策之始受事之日。其後成功。一如公言。在軍戎鉅機
樞。短長尺度。躬自省量。無或苟者。榮辱得失。無關其心。
而未嘗一念不周乎天下。一事不盡乎民隱。傳曰。一爲
仁由己。一公無愧焉。公學行功業。具見國史本傳。及合
之大者。藏於公之墓。而繫以劉公之銘。其辭曰。國有治
亂。在賢者昌。惟聖御世。與時弛張。道光末造。亢極而僵。
吏情民偷。卒轉於伍。猷從乘之。獨竿起舞。天祚聖情。篤
生元輔。重奠八荒。爲國肱股。始公通籍。期錫披垣。顯皇
初政。抗疏陳言。審諤之風。帝心所簡。起公蒞麻。戎符往
結。時寇方張。百城潰亂。羹沸於鼎。當者廉購。公倡義旅。
豪傑景從。虎飛龍噴。吐氣如虹。銳師東討。靡堅不攻。大
江南北。旌靈四頓。利鈍無常。或傷衆毀。孤忠籲天。義位
神鬼。亦或左次。敵兵祁門。豺狐夜嘯。星日晝昏。百憂所
叢。不懼不懷。一柱屹然。華嶽之重。卒夷大難。奮績厲揚。
瘡痍掃穴。寸磔鼻狼。以義擎天。浴日於海。鹽縣折行。河
山無改。帝勞相臣。建侯洵啓。昇諸巖輔。再鎮三吳。民謹
於野。絃歌載途。公心漸然。與物無競。斂聚羣議。虛己以
聽。慮周六合。不耀其明。溫衷自惕。婦豎歸誠。羣卒陸陸。
洪纖高下。大匠陶鑄。論諸一恰。何材不植。何功不庸。片
長恩奮。大受以隆。公不自賢。厥心愈下。被寬若鶩。聞進
則謝。退僊一室。仰思古人。向友千載。遙契以神。發爲文
字。怪偉縱橫。雷轟砰擊。金石鏗鏘。嶽踏百家。孤懷自賞。

韓宋職唐近古無兩。德溢於位。功不償年。載其處薰。往
即重泉。誰與主者。豈曰非天。北斗帝鄉。公魂攸寄。陵圯
谷壘。其誠不替。伐石勒銘。敢告萬世。誥授光祿大夫賜
進士出身二品頂戴前署理廣東巡撫加七級湘陰郭
嵩廉撰文。誥授資政大夫前陝西巡撫湘鄉劉蓉製銘。
誥授光祿大夫太子少保前湖北巡撫一等威毅伯湘
鄉會國荃書丹。誥授光祿大夫賜進士出身太子太保
武英殿大學士直隸總督一等肅毅伯合肥李鴻章篆
蓋。

廣註
語譯

國語國策精華

素同培註譯 宋晶如增訂

精裝一冊 實價六角

(寄費掛號一三角分)

本書撷取國語國策中之精華，所選各文，或以興味濃厚，神采煥發；或以辭藻見長，百讀不厭。全書體制，先列原文，次殿注解，末列語譯，使讀者能無師而通周秦之文史，助長其國學之進境。

世界書局發行

中華民國二十五年七月初版

會文正公全集 (全四冊)

實價國幣二元

(外埠酌加運費匯費)


出版者 國學整理社

發行者 世界書局

印刷者 上海大連海路
世界書局

發行所

上海及各省 世界書局



版權所有
不准翻印

